









特  
冊 5  
號 3537  
卷 6

重修揚州府志卷之九

河渠志



粵自漢魏以降歷唐及宋初言揚州水利者止以運道為先而無慮民生之墊溺蓋其時黃河未經南徙淮由故道安流入海各不相犯自宋熙寧十年以後河決澶淵北道斷絕河乃南徙東匯於梁山張澤灤分為二派一合北清河以入於海一合南清河入於淮淮不能容而洪澤湖遂成儲蓄之勢先是熙寧四年開洪澤湖達於淮元豐四年又命發運副使皮公弼修泗州洪澤湖見宋史神宗本紀及王伯厚玉海洪澤在山陽之西南北距大河東俯高寶淮水遠自豫省復挾汝潁渦汴羣川



之水匯而入焉滌洞激蕩惟下是趨而其地東北爲下趨而北則出清口而達於海趨而東則以高寶諸湖爲壑自是淮揚之河道始劇向之止計漕運者乃兼及民生矣迨至金明昌五年梁山灤淤填已高北清河窄狹不能吞伏河淮始并爲一瀆而河疆淮弱必使之并力下注則清口之節宜與高堰之固護重矣言高家堰者謂後漢建安中廣陵太守陳登所築然事不見於史籍當時廣陵治射陽此堰距治所甚近登築隄以障淮水理勢宜然當時此堰僅禦淮而形勢已喫緊如此後世治水者皆守其舊而不變自河徙之後湖日寬廣成巨浸而是隄之所係

口重宋慶厯間一修於發運使張綸明初再修於平江

伯陳瑄至萬厯間河臣潘季馴復大修之且甃以石者

三千餘丈其西南一帶自周橋至翟壩三十里空之而

不隄謂此處地形稍亢可爲天然減壩此天然壩之始名但當

時湖水尚深而能納故河面低於岸面周橋翟壩之水

漫溢不久高寶諸湖亦尚能容受迨後清口不治黃水

倒灌湖底日高湖水亦因之而高此三十里稍亢之區

昔之所稱漫溢不久者且終歲滔天東灌而不止高寶

諸湖不能容受此明時清水潭所以屢決而下河諸邑

歲罹其患也且明時揚州境內運河自清口牖廢不修



啓閉無節加之隄西諸湖灌輸不絕止以瓜儀爲入江之路厥初瓜儀置壩尾閘不通後雖改壩爲牐而司水者鯁鯁啓放以濟運爲先其開芒稻白塔諸河均皆置壩蓋始爲蓄水計而非爲泄水計也及至清口淤澱淮瀦洪湖高堰挾稽天之勢雄據上游河隄日聞潰決高寶興泰數州縣有淪胥之苦郡城亦有岌岌之勢於時司河諸臣猶日爲補苴之計開康濟宏濟諸河而不免有清水潭諸口之決潘季馴始議於東隄多設減水牐座由興鹽以入海開芒稻白塔河以直達大江其勢稍殺而民已病矣及至末運并有議棄高堰爲護陵之計者三百年中莫有上策我

朝受

命以來

列聖切其咨之儆

世祖章皇帝

聖祖仁皇帝承明季潰敗之後

詳求底績之方

聖祖仁皇帝鑿輅六臨

躬親指示

首命堅閉六壩廣闢清口且大舉增築高堰上自武家墩下至



秦家高岡長八十七里屹如山立於是隄以西之水涓滴皆出而會黃而堰以東沮洳之區復爲沃壤於揚州運河則

命固守高郵南關車邏五里等壩以奠下河民居闢金灣東西壩開人字河以利入江之路此皆

廟算精詳功同造化

世宗憲皇帝於河工利病洞若觀火

特發帑金將高堰盡改石工

高宗純皇帝時巡繼

武亦六次

親臨

申命河臣嗣後洪湖水長先折清口東清禦黃兩壩俾漲水暢出會黃歸海高堰五壩及運河東隄高郵等處五壩俱封土固守不令輕開以及挑濬下河支河修築沿江埽岸

單心宥密六十餘年黃閣

綸音丹毫

批答臣工稟受炳若金科揚郡億萬生靈所以有幹有年於茲邑皆

列聖所手援而加之衽席者也我



皇上鑽

緒紹

聞勤求治理於河工一事尤切

宸衷近年來因海口遷徙靡常下游未利故山盱五壩過水較多致有邵伯荷花塘等處漫溢之事茲已堵築竣事川瀆効靈民生暢遂其所以

紹

麻

錫福者豈有艾歟茲謹據經史所載歷代揚州河渠水利并

我

朝

列聖諭旨今

上綸音及先後臣工陳奏詳著於篇俾後之來者得以觀焉

尚書禹貢言揚州貢道沿於江海達於淮泗孔氏傳云

順流而下曰沿沿江入海自海入淮自淮入泗蓋禹時

江淮不通故貢道如此春秋魯哀公九年傳秋吳城邗

溝通江淮杜預註於邗江築城穿溝東北通射陽湖西

北至末口入淮通糧道也今廣陵韓江是

按射陽湖古射陵見漢書

廣陵王傳在今山陽縣東南八十里與鹽城寶應分水

縣西山陽瀆即古邗溝其縣北五里之北神堰即古末

也國語闕為深溝於商魯之間北屬之沂西屬之濟以



會晉公午於黃池吳越春秋所言亦與此畧同蓋溝通

江淮以後由此以達於商魯之間北屬沂西屬濟皆自

邗始也漢書地理志江都渠水首受江北至射陽入湖

桑欽水經淮水東過淮陰縣北中瀆水出白馬湖東北

注之酈道元注中瀆水首受江於廣陵郡之江都縣縣

城臨江昔吳將伐齊北霸中國自廣陵城東南築邗城

城下掘深溝謂之韓江亦曰邗鄭溝自江東北通射陽

湖地理志所謂渠水也西北至末口入淮禹貢雖指云漢書地理志

江都渠水首受江北至射陽入湖水經注中瀆水首受

江自廣陵至山陽入淮是其水乃自南入北非自北入

南也即以前溝既開時言之孟子云淮注江亦誤然班

固言渠水入湖而不言入淮頗有分別撰水經者乃云

淮水過淮陰縣北中瀆水出白馬湖東北注之酈道元

遂以為此水直至山陽口入淮而其說牢不可破矣竊

疑高郵寶應地勢最卑若釜底然邗溝首受江水東北

流至射陽湖而止杜預云自射陽西北至末口人淮此

不過言由江達淮之糧道耳路可通淮前漢吳王濞於

而水不入淮也水經殆不如地志之確

廣陵茱萸灣開運道至海陵倉漢書吳濞傳不載此事太平寰宇記言茱萸灣

在廣陵縣東北十里西從合瀆渠東過茱萸球七十里

至岱石湖入西四里對張綱溝入海陵縣界按阮昇之

記云吳王濞開此溝通運至海陵倉北有茱萸邨以邨

立名故記云邗溝即吳王夫差所開漕運以通上國又

宋史河渠志載徽宗宣和二年詔曰吳王濞開邗溝自

揚州茱萸灣通運海陵則是吳王濞實有開茱萸灣事

也後漢之季廣陵太守張綱於東陵邨開溝引湖水灌

田今張綱傳亦不載此事太平寰宇記云張綱溝在廣陵縣東三十里從岱石湖入四里至溝心與海陵縣

分界後漢書綱為廣陵太守濟惠於百姓勸課農桑於

東陵邨東開此溝引湖水灌田以此立名則是綱實有

重刊揚州府志 卷之九 河渠一

六



開溝事也按此云後漢書亦非今范蔚宗書又陳登為廣陵太守立塘灌漑

民田百姓賴之稱為愛敬陳登傳亦不載此事然愛敬之名見唐書地理志

及杜亞傳志稱亞自江都西循蜀岡之右引陂趨城隅

以通漕既田傳稱亞治漕渠引湖陂築防庸入之渠中

則是登實有開塘之事也酈道元水經注云自永和中江都水斷其

水上承歐陽埭引江入埭六十里至廣陵城城東水上

有梁謂之洛橋中瀆水自廣陵北出武廣湖東陸陽湖

西今作涿洋二湖東西相直五里水出其間注樊梁湖今作樊良

舊道東北出至博芝射陽二湖西北出夾邪乃至山陽

矣禹貢雖指云古江淮本不相通吳王夫差欲霸中國自廣陵城東南築邗城城下掘深溝謂之韓江亦曰邗溟溝自江東北通射陽而北至末口人淮此夫差通江淮之故道也晉永和中和江都水斷乃於歐陽引江入

埭埭應在揚州西南六十里至廣陵城而北出白馬湖

合中瀆入淮則更在故道之西矣其後隋煬帝開廣山

陽瀆亦山此道晉書謝安傳安出鎮廣陵之步邱築壘新城及

至新城築埭於城北太平寰宇記云邗伯埭有斗門廣陵縣東四十里聯合瀆渠有小渠

濶六步五尺東去七里入艾陵湖水經注又載永和中忠湖道多風陳

敏因穿樊梁湖北口下注津湖三國志作精湖逕渡十二里方

達北口直至夾邪興寧中復以津湖多風又自湖之南

口沿東岸二十里穿渠入北口自後行者不復由湖隋

書文帝紀開皇七年夏四月於揚州開山陽瀆以通漕

運大業雜記載大業元年發淮南丁夫十餘萬開邗溝

至山陽通淮至於揚子入江三百餘里水面濶四十步



唐書地理志泗州盱眙縣有直河太極元年有勅使魏景倩引淮水至黃土岡以通揚州李襲譽傳擢揚州大都督府長史江南巡察大使揚州俗喜商賈不事農襲譽爲引雷陂水築句城塘溉田八百頃以盡地利齊澣傳澣遷潤州刺史州北距瓜步沙尾紆滙六十里舟多敗溺澣從漕路由京口埭治伊婁渠以達揚子蓋由潤達揚先經六十里江面之險澣治京口埭與揚之伊婁埭相對免江行六十里之險澣雖爲潤州而伊婁實在揚也杜佑傳貞元中佑節度淮南決雷陂以廣灌溉斥海濱棄地爲田積米五十萬斛列營三十區士馬整飭李吉甫傳吉甫爲淮南節度使築富人固木二塘溉田且萬頃漕渠庠下不能居水乃築隄闕以防不足泄有餘名曰平津堰食貨志亦云初揚州疏太子港陳登塘凡三十四陂以益漕河輒復湮塞淮南節度杜亞乃濬渠蜀岡疏句城湖起隄貫城以通大舟河益庠下水下走淮夏則舟不得前節度使李吉甫築平津堰以泄有餘防不足漕流遂通舊唐書王播傳播復領鹽鐵轉運使時揚州城內官河水淺遇旱卽滯漕船乃奏自城南閘門西七里港開河東向屈曲取禪智寺橋通舊官河開鑿稍深舟航易濟所開長一十九里唐書地理志亦



云寶曆二年揚州江都縣漕渠淺輸不及期鹽鐵使王播自七里港引渠東注官河以便漕運文宗紀開成二年夏揚州運河竭宋史李溥傳景德中溥爲制置江淮等路發運使高郵軍新開湖水散漫多風濤溥令漕舟東下者還過泗州因載石輸湖中積爲長堤自是舟行無患河渠志真宗天禧二年江淮發運使賈宗言諸路歲漕煩於剝卸民罷牽輓船亦速壞今議開揚州古河繚城南接運渠毀龍舟新興茱萸三堰鑿堰漕路以均水勢歲省官費功利甚厚詔使按視以爲當然明年役成水注新河與二堰平漕船無阻公私大便吳遵路傳

真宗時爲淮南轉運副使於高郵等處置斗門九十以蓄泄水利真宗紀天禧三年六月浚漕渠廢三堰四年正月開揚州運河王臻傳載臻任轉運副使力言揚州邵伯堰實謝安爲之人思其功以比邵伯不可廢也濬渠亦無所益坐異議降知睦州鍾離瑾傳瑾爲江淮制置發運使時有殿直王乙者請自揚州邵伯埭東至瓜洲濬河百二十里以廢二埭詔瑾規度以工大不可就止置牖邵伯埭旁人以爲利

夢溪筆談云淮南漕渠築埭蓄水不知始自何時舊傳邵伯埭謝公所爲按李翱來南錄唐時猶是流水不應謝公時已作此埭天聖中監真州排岸司陶鑑始議爲復牖節水以省舟楫過埭之勞是時工部郎中方仲荀文思使張綸爲發運副使表行之始爲真州牖歲省



元卒五百人雜費百二十五萬自後北神  
 邵伯龍舟茱萸諸堰相次廢革至今為利  
 張綸傳綸除  
 江淮制置發運副使築漕河隄三百里於高郵北旁錮  
 巨石為石礎以泄橫流泰州有捍海堰延袤百五十里  
 久廢不治歲患海濤冒民田綸方議修復論者難之以  
 為濤患息而蓄潦之患興矣綸曰濤之患十九而潦之  
 患十一獲多而亡少豈不可耶表三請願身自莅役卒  
 成堰復逋戶三千六百州民賴之徐的傳的為淮南江  
 浙荆湖制置發運副使奏通泰州海安等縣漕河詔未  
 下的以便宜調兵夫濬治之出滯鹽三百萬計得錢八  
 百萬緡遂為制河渠志熙寧九年劉瑾水利使言揚州江  
 都縣古鹽河高郵縣陳公塘等湖天長縣白馬塘等  
 楚州寶應縣泥港射馬港等興置欲令當路轉運司選  
 官覆按從之王應麟玉海載是年五月王子京修運鹽  
 河自泰州至如皋百七十餘里神宗紀元豐二年浚淮  
 南運河自邵伯埭至儀真十四節曾孝蘊傳孝蘊紹聖  
 中管幹發運司糶糴事建言揚之瓜洲等處易堰為牐  
 以便漕運商賈既成公私便之河渠志宣和二年九月  
 以真揚等州運河淺澀委陳亨伯處置宦者李琮言真  
 州乃外江綱運會集要口以運河淺澀故不能速發按  
 南岸有泄水斗門八去江不滿一里欲開斗門河身去



江十丈築輓壩引江潮入河然後人工車畝以助運水  
從之四月詔曰江淮漕運尚矣春秋時吳穿邗溝東北  
通射陽湖西北至末口漢吳王濞開邗溝通運海陵倉  
隋開邗溝自山陽至揚子入江雍熙中轉運劉蟠以山  
陽灣迅急始開沙河以避險阻天禧中發運使賈宗始  
開揚州古河繚城南接運渠廢三堰以均水勢今運河  
淺澀當詢訪故道及今河形勢與陂塘瀦水之地講究  
措置悠久之利以濟不通可令發運使陳亨伯內侍譚  
稹條具措置以聞亨伯遣其屬向子諲按視子諲曰運  
河高江淮數丈自江至淮凡數百里人力難濬昔唐李  
吉甫廢牖置堰治陂塘泄有餘防不足漕運通流發運  
使曾孝蘊嚴三日一啓之制復作歸水澳惜水如金比  
年有直達之法走鹽茶之利且應奉權倖朝夕經由或  
啓或閉不暇歸水又頃毀朝宗牖自洪澤至邵伯數百  
里不爲之節故山陽上下不通欲救其弊宜於眞州太  
子港作一壩以復懷子河故道於瓜洲河口作一壩以  
復龍舟堰於海陵河口作一壩以復茱萸待賢堰使諸  
塘水不爲瓜洲眞泰三河所分於北神相近作一壩權  
閉滿浦牖復朝宗牖則上下無壅矣亨伯用其言後滯  
舟皆通利云河渠志又載高宗紹興四年詔燒燬揚州



灣頭港口牐泰州姜堰通州白蒲堰其餘諸堰并令守  
臣開決焚燬務要不通敵舟又詔宣撫使拆毀眞揚堰  
牐及眞州陳公塘無令走入運河以資敵用五年正月  
詔淮南宣撫募人開濬瓜洲至淮口運河淺澀處孝宗  
乾道六年淮東提舉徐子寅言淮東鹽課全仰河流通  
快今河流淺澀自揚州灣頭港口至鎮西山光寺前橋  
堦頭計四百八十五丈乞發五千餘卒開濬從之淳熙  
三年四月詔築泰州月堰從守臣張子正請也淳熙八  
年提舉淮南東路常平鹽茶趙伯昌言通州楚州沿海  
舊有捍海塘東距大海北接鹽城袤一百四十二里始  
自唐黜陟使李承所建遮護民田屏蔽鹽竈其功甚大  
歷時既久頽圯不存本朝天聖改元范仲淹爲西溪鹽  
官日風潮泛溢渰毀民田壞沒亭竈有請於朝調四萬  
餘夫修築三旬畢工遂使海濱沮洳渴鹵之地化爲良  
田民得奠居至今賴之自後寢失修治纔遇風潮怒盛  
卽有衝決之患自宣和紹興以來屢被其患阡陌洗蕩  
廬舍漂流人畜喪亡不可勝數每一修築必請朝廷大  
興工役然後可辦望令淮東常平鹽茶司今後捍海堰  
如有塌損隨時修葺務要堅固從之九年淮南漕臣錢  
仲之言眞州之東二十里有陳公塘乃漢陳登濬源爲



塘用救旱饑大中祥符間江淮制置發運置司眞州歲藉塘灌注長河流通漕運其塘周四百里東西北三面倚山爲岸其南帶東則係前人築壘成隄以受啓閉廢壞旣久現有古來基趾可以修築爲旱乾溉田之備凡諸場鹽綱糧食漕運使命往還舟艦皆仰之通濟其利甚溥本司自發卒貼築周廻塘岸建置斗門石礎各一所乞於揚子縣尉階銜內帶兼主管陳公塘六字或有損壞隨時補築庶幾久遠責有攸歸十四年揚州守臣熊飛言揚州運河惟藉瓜洲眞州兩牖潴積今河水走泄緣瓜洲上中二牖久不修治獨潮牖一座轉運提鹽及本州共行修整然迤近江湖水勢衝激易致損壞眞州二牖亦復損漏令有司葺治上下二牖以防走泄從之陳敏傳敏爲都統制兼知高郵軍按其舊作石礎十二所自是運河通泄無衝突之患河渠志光宗紹熙五年淮東提舉陳損之言高郵楚州之間陂湖渺漫菱葑彌滿宜勅立隄堰以爲潴泄庶幾水不至於泛溢旱不至於乾涸乞興築揚州江都縣至楚州淮陰縣三百六十里又自高郵興化至鹽城二百四十里其隄岸旁開一新河以通舟船仍存舊隄以捍風浪栽柳十餘萬株數年後隄岸亦牢其木亦可備修補之用兼揚州墟鎮



舊有隄牘乃泰州泄水之處其牘壞久亦於此勅立斗門西引盱眙天長以來眾湖之水起自揚州江都及楚州寶應山陽北至淮陰西達於淮又自高郵入興化東至鹽城而入於海又泰州海陵南至揚州泰興而徹於江共爲石礎十三斗門七乞以紹熙爲名鑑諸堅石淮田多沮洳因損之築隄捍之得良田數萬頃汪綱傳綱知高郵軍興化民田濱海昔范仲淹築堰以障潟鹵守毛澤民置石礎涵管以疏運河水勢歲久皆壞綱乃增修之李庭芝傳庭芝主管兩淮制置司事至揚鑿河四十里入金沙餘慶場以省車運兼濬他運河放亭戶負鹽二百餘萬亭民無車運之勞元史世祖本紀至元二十一年二月濬揚州漕河河渠志揚州運河宋時嘗設軍疏滌世祖取宋之後河漸壅塞至元末年江淮行省嘗以爲言雖有旨濬治有司奉行未見實效河渠志大德十年浚高郵等處漕河延祐四年十一月兩淮運司言運河淺澀無源止仰天雨請加修治明年二月中書移文河南省選官暨運司有司官相視會計工程費用於是河南行省委都事張奉政及淮東宣慰司官運司官會州縣倉場官遍歷巡視集議河長二千三百里有司差瀕河有田之家僱倩丁夫開修一千八百六十九



里倉場鹽司不妨辦課協濟有司開修四百八十二里  
泰定元年眞州城金沙河淤塞詔有司編民丁浚之明  
史河渠志漕河之別曰白漕衛漕牐漕河漕湖漕江漕  
浙漕湖漕者由淮安抵揚州三百七十里地庫積水滙  
爲澤國山陽則有管家射陽湖寶應則有白馬汜光湖  
高郵以南則有石臼澨社武安邵伯湖仰受上流之水  
傍接諸山之源巨浸連亘以達於江慮淮東侵則築高  
家堰拒其上流築王簡張福二隄禦其分泄慮淮侵而  
漕敗開淮安永濟高郵康濟寶應宏濟三越河以通舟  
至揚子灣則分二道一由儀眞通江口以漕上江湖廣  
江西一由瓜洲通江以漕下江兩浙本非河道專取諸  
湖之水故曰湖漕明會典載揚州寶應縣運道自清口  
引淮爲清江浦至管家白馬二湖隄由黃浦入淺又寶  
應縣槐角樓南諸湖相接西抵泗州盱眙縣界湖東有  
隄長三十餘里洪武九年用輒修高家潭等處成化二  
十一年造石隄漸修至二十餘里其南高郵邵伯等湖  
有石隄運舟觸隄往往敗溺宏治三年命官於高郵湖  
以東開新河以避其險曰康濟詳見嘉靖五年於汜光  
東傍舊隄開新河長三十里遂棄康濟河又自寶應至  
界首凡有溝可通注於海者造平水牐十座十年又自



寶應湖東築月隄長二十三里萬厯五年淮水由黃浦口決入石隄多壞七年命官修築改建減水牐四座加高石牐九座自是寶應諸湖隄岸相接十二年題准於石隄之東傍隄開新河三十里以避槐角樓一帶之險日宏濟河詳見下儀真上下江口及瓜洲便河皆由江達淮運道宋時儀真會建三牐洪武中卽其地築爲壩宏治二年始建東關羅泗二牐十二年復於濱江建攔潮牐萬厯四年於朱輝港鑰匙河清江等處各開河以便停泊瓜洲江口舊建土壩隆慶六年自時家洲以達花園港開渠六里有新建瓜洲通江牐二座自此始免車盤之苦萬厯四年於瓜洲開港塢以泊運船寶應縣計牐十三宏濟河南北二牐長沙減水牐朱馬灣減水牐劉家堡減水牐五牐俱萬厯十二年建江橋北等八減水牐嘉靖萬厯年間建舊有七里溝茶橋口魚兒溝三減水牐白馬湖七里溝槐角樓滾水壩俱廢高郵州計牐九壩一康濟河南北二牐萬厯四年建城南河隄三減水牐嘉靖中建新中隄四減水牐萬厯五年建蛤蜊壩舊有觀橋上下二牐車邏王琴二減水壩俱廢江都縣計牐十六壩十一廣惠牐通惠牐邵伯九減水牐芒稻河減水牐萬厯十一年建沙壩裔家渡馬家渡南潭



四平水插萬厯元年建瓜洲插十壩舊十一灣頭滾水

插舊有朝宗上下通江新插大同潘家大橋江口別潮

九插及新廟十一減水壩邵伯小壩揚子橋古壩瓜洲

減水壩上下雷塘小新句城塘俱廢儀真縣計插四壩

六嚮水插通濟插羅泗插一名臨江攔潮插新壩一壩至五

壩舊有清江等八插裏河口插及東門新高橋二減水

插劉塘茅家山北山陳公四塘蔣家溝張家溝二減水

壩俱廢明太祖實錄明史諸帝紀於河渠事十不載一

頒行然所採諸帝實錄於至元二十五年是時太祖尚未

河事持詳今據以編纂達兵趨泰州濬河通舟師顧炎武郡國利病書洪武九

年用寶應老人柏叢桂言發揚州丁夫五萬令有司督

發高寶湖隄六十里以捍風濤又言寶應槐角樓東抵

界首沿湖隄屢修屢圯民苦役無已開寶應直渠便從

之由是新湖外直南北穿渠四十里築長隄一長與渠

等期月而成引水於內行舟太祖實錄洪武十三年致

仕兵部尚書單安仁言大江入黃泥灘口過儀真縣南

壩入運自南壩至樸樹灣約三十里宜濬以通往來舟

楫其湖廣江西等處運糧船可由大江黃泥灘口入運

河過淮安壩以達鳳陽及迤北州縣其兩淮鹽運船可

由揚子橋過縣南灘入黃泥灘出江以達京師其浙江



等處運糧船可從下江入深港過揚子橋至運河過淮安壩以達鳳陽凡運輓木之船皆自瓜洲過堰不相混雜如是則官船無風水之虞民船無停滯之患其江都縣深港亦宜考其故道而疏濬之十四年十一月濬揚州府官河自揚子橋至黃泥灘凡九千四百三十六丈十五年十二月濬揚州儀真河九千一百二十丈置牖十三處十七年閏十月修築江都縣深港壩浚河道五百六十七丈二十年正月命工部主事楊德禮往高郵督有司修築並湖隄岸明太宗實錄永樂元年三月修江都縣河東等鄉邊江隄岸閏十一月浚瓜洲壩河道十二月修江都縣永貞沙邊江圩岸二年正月高郵州耆民言自州北門至張家溝湖岸兩京之要路民田之鉅防湖納天長盱眙諸水雨潦漲溢衝決隄岸絕驛路損民田乞相度修理十一月浚儀真縣清江壩下水港四年九月泰州判官黃通理言州境舊有運鹽官河每遇淫雨泛溢乞於普定秦潼河及西溪南儀阡三處各開水口使下流經興化鹽城界入海仍各置牖以時啓閉從之十一月戶部言高郵州東河等處塘岸傾圮江都縣劉家圩港口淤塞請命有司發民修濬九年高郵州言城北張家溝塘岸三十里舊用輓石包砌防遏巖



社等九湖及天長諸水近因夏雨浸淫各水暴漲衝決塘岸九百八十丈又自張家溝北至寶應縣南至江都縣東至興化縣界塘岸百餘里閒有坍塌乞發丁夫修治皇太子令工部核實修築時仁宗監國也三月濬揚州府瓜洲壩河道及修通江減水二牖十年十一月修儀真縣緣江隄岸及濬夾溝等處河道六月揚州儀真等縣江湖泛漲漂流人畜命戶部遣人撫卹十三年二月濬揚州府瓜洲壩河道一至瓜洲巡檢司一至通江口六百餘丈十四年五月修邵伯鎮上下二牖十九年九月修高郵州新開湖岸明宣宗實錄洪熙元年十一月宣宗已登

極濬儀真瓜洲壩河先是平江伯陳瑄奏儀真瓜洲壩下河道年久淤塞請發附近軍民修濬上以東作方興姑俟農隙自是乃命修濬仍命瑄董之明史河渠書陳瑄請濬儀真瓜洲河道以通江湖開白塔河以達大江築高郵湖隄隄內鑿渠四十里築寶應汜光白馬諸湖隄隄皆置涵洞互相灌注陳祚傳祚以御史按福建回還奏白塔河上通邵伯下注大江蘇松舟楫多從往來請開浚從之轉漕稱便宣宗實錄宣德六年八月濬白塔河及儀真等壩先是御史陳祚言白塔河宜開濬置牖又侍郎趙新言宜浚白塔河及儀真舊江口鑰匙河



黃泥灘清江牐俱宜修濬上遣官與陳瑄議可否自是  
奏聞開濬實便從之先開白塔河置牐工畢就濬清江  
牐儀真鑰匙河上復以三處用工勞人特甚其儀真鑰  
匙河俟明年修濬九月武進縣言漕運及官民船由本  
縣孟瀆河出湖水行三百里始達瓜洲壩往往爲風浪  
漂沒縣舊有新河四十里出江正對泰興縣新河入至  
泰州壩一百二十餘里至揚子灣出運河比今白塔河  
尤爲利便第歲久泥淤乞加修濬上命陳瑄及侍郎周  
忱審計南河全考載宣德七年平江伯陳瑄築高郵寶  
應汜光白馬諸湖長隄以度牽道又開揚州白塔河置  
新牐潘家莊大橋江口四牐令由孟瀆河過江入白塔  
河至灣頭達運河以省瓜洲盤壩之費瓜洲壩棄不用  
後復白塔置壩舟行瓜儀明史陳瑄傳瑄開泰州白塔  
河又築高郵湖隄於隄內鑿渠四十里避風濤之險明  
史河渠志元漕江南粟則出揚州直北廟灣入海未嘗  
沂淮陳瑄始隄管家諸湖通淮爲運道慮淮水漲溢則  
築高家堰隄以捍之起武家墩經大小澗阜寧湖而淮  
不東侵英宗實錄正統二年正月省揚州府邵伯鎮牐  
壩官吏并江都縣守塘夫先是揚州府奏邵伯鎮二牐  
一壩各設官吏人夫以防高郵湖水泛溢今湖水旣平



乞裁其半又江都儀徵二縣有雷公上下句城陳公四塘舊設夫三百三十五人守之今運河轉輸不絕塘水宜泄入河夫可盡罷事下巡撫高宏核實宏奏塘水無源若盡泄之則涸矣仍畱二百人以時蓄泄從之五年五月御史李匡等言儀真瓜洲二壩下港淺狹水落則大舟俱艤於江宜濬其港邵伯至寶應湖隄或決卽壞民田宜令漕舟歸者載石付所司築隄事下漕運總兵官武興等議之六年二月高郵州知州韓簡言州管河西接新開湖東通興化縣舊設上下二牖以時啓閉今牖壞河不通且子嬰溝塞溝傍田皆荒蕪又減水涵洞常閉塞其岸東田旱潦輒不收請俱濬治之八年三月濬瓜洲壩東港洪武間瓜洲壩有東西港永樂間廢東港爲厰以貯材木正統初議濬未果至是武興請修復從之九年巡按御史段信言江都縣楊子江沙洲民戶七月間中夜風雨大作江潮泛漲淹沒人民貲產田禾命御史府縣官出官錢存卹景帝景泰二年以揚州瀕江新漲田上與坍江失業人戶耕種三年正月御史練綱言江南漕舟俱由江陰夏口并孟瀆河出大江沂流入瓜洲往往風水失利今江南岸有南新河北岸有新河在泰興縣正對江北又有白塔河在江都縣與江



南孟瀆河參差相對若由此橫渡江面甚近但北新河  
白塔河淤塞俱應疏濬宣德間會於白塔河置插潮漲  
入插則沙土積塞潮落啓插則運河水泄今可易插爲  
壩事下工部令尚書石璞措置五年七月揚州府奏六  
月大風雨湖水泛溢決高郵寶應隄岸命左副都御史  
王竑督有司修治之十月工部奏近聞儀真瓜洲二壩  
每遇冬春水縮膠淺難行宜於二壩下各置插蓄水從  
之六年九月右僉都御史陳泰奏奉敕督濬儀真瓜洲  
高郵寶應及淮安一帶河道至是工竣凡濬河一百八  
十里築決口九處壩三處明史崔恭傳英宗天順二年  
恭與都督徐恭浚儀真漕河英宗實錄天順六年三月  
命濬淮安以南運河八年正月命修高郵湖岸三十餘  
里憲宗實錄成化元年五月總漕副都御史陳恭請修  
築高郵湖岸自杭家嘴北起至張家溝鎮南止凡三十  
里有奇從之九月戶部會議南京管糧都御史及漕運  
總兵等官所言事宜一儀真瓜洲一帶河岸壩堰插座  
近年多有坍塌損壞請專一修理上俱從之八年八月  
修築淮安抵儀真瓜洲湖河隄岸衝決者一十五處南  
河全考載是年河道侍郎王恕請治揚州至淮安湖塘  
造插礎引塘水接濟運河憲宗實錄成化九年三月侍



郎王恕言淮安南抵儀真瓜洲河湖隄岸被水衝決者十五處其餘坍塌二百餘里及儀真三壩衝倒修理物料俱揚州出辦今連年災傷民力不給請於池州安慶二府支取遺輒并南京龍江瓦屑壩二竹木局所抽分支作椿木令南京兵部馬快船運送從之十一年十二月置儀真河港三牯先是工部郎中郭昇言儀真縣羅泗橋舊有通江河港上至裏河幾四里許潮大之時內外水勢相等此港可置三牯潮來先啓臨江牯船隨潮而進潮平乃啓中二牯放之如此不惟舟船便利而裏河水勢亦卽疏泄不待決口重費詔與督漕都御史會議不果至是昇復陳開牯之利工部覆奏允行十二年七月總漕李裕等奏新開揚州白塔河潮水往來恐久而淤淺宜下所事與瓜洲儀真等河皆三年一濬是月增設江都縣畱漕通江二牯十四年三月太監汪直言邵伯高郵寶應白馬四湖每遇西北風作則糧運官民等船多被隄石椿木衝破漂沒宜築重隄於隄之東積水行船以避風浪部議遣官相度從之孝宗實錄宏治元年二月修儀真瓜洲二處壩下河口七年七月高郵康濟河成初南京兵部侍郎白昂奏高郵湖行船最忌西北風往來舟楫多致覆溺若於輒塘內開覆河一道



引水行舟可免風濤之患於是巡河御史孫衍管河郎

中吳瑞因共挑濬并置牐堰隄岸以利牽挽

按劉健高郵州新開

康濟河記云起州北三里之杭家嘴至張家溝而止長竟湖廣十丈深一丈有奇首尾有牐與湖通又爲四牐一涵洞每湖水盛使從減殺以宏治三年三月始事四閱月而畢

明史河渠志白昂所

開高郵複河成賜名康濟其西岸以石甃之又甃高郵

隄自杭家牐至張家鎮凡三十里高郵隄者洪武時所

築也陳瑄因舊增築至於寶應土人相沿謂之老隄正

統三年易土以石成化時遣官築重隄於高郵邵伯寶

應白馬四湖老隄之東面孝宗實錄宏治九年巡按御

史鄧章言高郵湖爲運河喉襟之地自杭家牐迄於張

家鎮三十餘里其隄面故輒爲風濤所嚙宜易以石庶

幾可久而新修康濟河西岸亦須預爲甃築以免衝決

河之北牐仍宜北遷五里許庶舟行可盡避湖面之險

事下工部請如所擬十年十月總漕都御史李蕙請於

瓜洲新壩至倉壩一壩至四壩港口儀真鑰匙河及歇

馬亭各建一牐以便糧運工部覆奏謂三壩邊臨大江

潮長則壩低水高固易於車放潮落則壩高水低殊不

爲便莫若於江口總港內各建一牐潮平之時下坂蓄

水令與壩平從之十二年十月巡按御史戴德奏修築

泰州運河隄岸三千二百一十八丈十八年正月管河



郎中張瑋奏高郵等州縣原設石牐石橋涵洞蓋專爲湖河之計比年以來爲近隄人家私立洞口遇水則竊自閉塞水消又輒挖隄岸以致衝決貽患乞將涵洞築塞每五里改建減水石牐一座以絕盜決之弊武宗實錄正德二年六月復開白塔河及大橋潘家通江四牐先是總督漕運都御史洪鍾言蘇松運舟由下港口并孟瀆河沂大江以達於瓜洲遠涉二百八十餘里往往覆於風浪唯孟瀆對江有夾河可抵白塔河口舊設四牐經四十里至宜陵鎮再折而北卽抵揚州運河於舟行甚便請開濬如舊至是成揚州府舊志載正德十四年揚州大風江海溢數丈南河全考載正德十六年漕運都御史臧鳳請修復五塘灌田利運世宗實錄正德十六年六月工部都水郎中楊最言寶應汜光湖西南高北下往來糧運等船入湖行三十餘里始出東北隄岸去湖面僅三尺許每雨潦風急輒致衝決不惟糧運阻礙兼鹽城興化通泰等州縣良田悉遭淹沒請如昔年侍郎白昂高郵康濟河例專敕大臣一員加修內河仍將舊堤增石積土以爲外堤可保百年無患此上策也其次莫如照湖埭密次椿柵數層以爲備塘抵障風波而舊隄重加修葺亦可支持數年疏上用其次策揚



州府舊志載嘉靖元年揚州大風雨江潮湧漲世宗實錄嘉靖二年三月命總理河道侍郎及管河郎中相視修築儀真江都官塘五區蓄水以溉民田禁占種盜決者處以重法五年六月工部郎中陳毓賢言揚州寶應縣屬汜光湖為運道必由之路湖四面甚廣水勢瀰漫僅以三尺之隄障之一旦水發則橫奔衝決不惟阻運而隄中田土俱成巨浸此第一患也臣以為障水固所當先泄水亦不可緩請於河隄以東修築越河以分水勢如恐工費浩繁則請自淮安以下至高郵建平水牖數處以泄其流亦中策也得旨令河漕官會議相度南河全考載是年御史戴金請濬隄下久壅河道子嬰溝接潼河下廣洋湖長沙溝通官莊亦入廣洋湖劉家溝通瓦溝溪望直溝出官河三里溝通七里溝出葛頭溝寶應縣東門外起至流星溝君師廟起至章思蕩葛頭溝起至射陽湖以便泄水以通舟楫行水金鑑云按子嬰溝在寶應縣南六十里子嬰舖北西通運河北接潼河潼河在縣東南六十里西南接子嬰溝東北入廣洋湖廣洋湖在縣東南五十里射陽湖在縣東六十里即射陂也自固晉至喻口白沙入海湖西至固晉屬山陽東至上射陽屬寶應南河全考又載嘉靖六年漕運都御史高友璣於瓜洲西江嘴置瓜洲牖時監工者不慎工人受賂築不如法居人倡泄水之說牖竟不用世宗實錄嘉靖十九年



九月運糧千戶李顯疏築運河三事其一為揚州運河  
南至儀真北抵淮安俱藉寶應汜光諸湖水接濟乃湖  
南北相去三百里廣百二十里卒有暴風漂蕩不測議  
於汜光湖隄迤東開築月河以免水患其一謂北自淮  
安南至瓜儀水勢上下相去丈許惟賴瓜儀二壩關防  
先年壩決水衝河道淤淺宜令瓜洲陳家灣儀真新城  
地方并楊子橋揚州東關各增一壩若瓜洲壩衝決則  
下陳家灣壩儀真壩衝決則下新城壩如二壩閉水不  
及則下楊子橋壩再不及則下東關壩以畱水利其一  
謂儀真下接楊子橋大江商船輻輳河道壅塞糧道阻

誤成化中嘗令將新城通江舊河疏濬寬廣亦置一壩  
河道疏通官民稱便後廢不修今宜仍前修濬以俾漕  
政上命工部議行穆宗實錄隆慶二年十月御史蒙詔  
條奏一寶應湖風濤叵測往往有覆溺之虞宜如高郵  
康濟河故事別鑿一河以近隄民田為之使之計畝受  
直免其征稅一高郵康濟河故有木壩涵洞相旱澇為  
啓閉今歲久浸廢加之節年大水衝嚙內外隄僅如一  
綫宜及其未敗經理工部覆奏議行已而給事中孫枝  
言比年江淮蕭然不任修作當俟國用稍裕徐為之圖  
上是之

萬恭治水筌蹄云高郵湖宏治三年侍郎白昂  
以七十餘萬金成康濟河誠便也但不當東繞



園民田一萬八千畝康濟與湖通水若城田若孟不得已於月河之底鑿三涵洞穿月河而東泄方未七十年板朽洞室不復能穿月河水滙田中是老隄之東又增一萬八千畝之田湖也老隄如綫浸萬頃中八面受敵而大隄壞中隄故庫薄大湖擁田湖之濤擊之而中隄壞二隄俱壞東隄特弱繪當萬石之弩耳豈不危哉今議固老隄塞金門決康濟涸田湖乃循老隄之東去十丈為之東隄一護老隄一成月河歲加修築則萬世之利也又云寶應湖隄袤三十里軍民船由湖中西風大作歲溺湖中數千人今為東護隄如議高郵新月河之制東隄成則月河成此不過十萬金耳歲加修築可保數百年無事

三年十二月漕運侍郎趙孔昭言清江一帶黃河五十里宜築堰以防河溢淮河高家澗一帶七十餘里宜築堰以防淮漲工部覆請以錢糧事下孔昭及河道都御史翁大立通融借助并寶應越河酌議舉行翁大立言治河之役宜以調撥夫役收發椿草屬部臣計處錢糧追征工食屬兵備

令畫地責成則河工可計日而就於是工部議覆以儀真至揚州淤淺高郵一帶湖隄剝蝕屬淮揚兵備會南河郎中儀真主事經理五年五月給事中張博請改瓜洲土壩為插以便漕舟工部覆言茲議勘行已久而有司莫為奏報必徇私牟利之徒倡言阻撓當事者憚於改作故議久不決宜督河道漕運諸臣刻期會勘以聞神宗實錄萬厯元年正月河道侍郎萬恭奏勅建瓜洲二插工竣治水筌蹄云瓜洲上日通惠插下日廣惠插排萬口而始定議百年而方興難哉明史河渠志萬厯元年總河侍郎萬恭請復淮南平水諸



廂言高寶諸湖周遭數百里西受天長七十餘河徒恃  
百里長隄若障之使無疏泄是潰隄也以故祖宗之法  
編置數十小廂於長隄之間又為今日但許深湖不許  
高隄故設淺船淺夫取湖之淤以厚隄比年畏修廂之  
勞每壞一廂即湮一廂歲月既久諸廂盡湮而長隄為  
死障矣畏濬淺之苦每湖淺一尺則加隄一尺歲月既  
久湖隄捧高而高寶為孟城矣昔陳瑄大置減水廂數  
十水溢則瀉以益隄水落則閉以利漕最為完計請復  
置平水廂廂欲密則水疏無漲慙患廂欲狹狹則勢緩  
無鬻決虞部臣覆奏如其請於是儀真江都高郵寶應

山陽設廂二十三濬淺凡五十一處各設撈淺船二淺

夫十治水筌蹄云高郵諸湖西受七十二河之水歲苦  
河總滙於射陽湖鹽城入海歲久悉湮宏治中乃開儀  
真甯苦不得泄治水者歲高長隄而湖水歲溢隆慶中  
水高於寶應城中者數尺每決隄即高寶興化悉成巨  
浸隆慶六年萬厯元年建平水廂二十一於長隄又加  
建瓜洲廂并儀真廂為二十三故湖水大平淮漲不能  
過寶應又復淺船淺夫但許深湖不許高隄舊制初建  
瓜洲花園港通惠廂得故金焚韓世忠船版改廣惠廂  
又得故廂基樁石則花園港故廂道也而或慮二十三  
廂泄高寶七十二河之水欲閉瓜儀蓄諸湖利餉道誤  
哉又云儀真至淮安河之止務高隄不務深河勢擁諸湖  
安所紀極萬厯元年治之乃測江都縣三岔河起至揚  
子橋止計半里舊水深四尺五寸測白馬湖起至錢家直  
嘴止河心舊水深四尺二寸測山陽縣化骨亭起至趙家  
止河心舊水深四尺二寸測山陽縣化骨亭起至趙家  
莊止一里舊水深四尺二寸測山陽縣化骨亭起至趙家  
者止此總之不踰五里餘皆五尺至一丈極深有至一



丈八尺淺夫淺船治之月計之工也凡深四尺者可濬至七尺而止則以運舟用水三尺乘之高寶諸湖從平水二十餘牖中尚可泄去四尺夫水落四尺則河岸可高四尺一以固隄一以利田此祖宗但令深湖不令高隄之微意也今乃不為濬淺之易而為高隄之難亦未之思也夫三年四月河道都御史傅希摯奏高寶之間桃花泛漲陡齊隄岸宜急捐徐邳二州河道船稅隄夫等項四萬以備修築七月御史劉光國議以天妃牖地勢高於通濟淮水灌溢多於黃水宜將通濟牖及福興新莊二牖增庫培薄務令高厚仍令清江廠專司啓閉每五月以後九月以前二水盛發之時嚴加封閉等語初本朝糧運自儀真抵淮安謂之裏河俱分五壩轉盤黃河謂之外河原不相通後陳瑄疏開清江浦河由天妃口徑通黃河設牖以司啓閉每歲三月以後糧運過完卽將牖封閉隔絕黃水官民船盤剝如故其後廢弛牖不能閉而黃水灌入河臣乃議塞天妃口以杜黃水剝開三里新河設通濟牖以通淮水其後牖廢不修淮水不息黃水盛大淮亦因之高寶湖隄年年衝決興鹽等處歲歲被災矣至是劉光國乃有此奏南河全考載是年高郵西隄清水潭丁志等口決工部郎中屠元泳陳詔督塞之神宗實錄萬厯四年正月高郵清水潭衝決時督漕侍郎張翀以修復老隄工力浩大數年始可成功恐新運已臨決口未就且



重刊揚州府志 卷之九  
令漕船暫由圈內行走御史陳功則稱田圈淺澀不便  
牽挽外湖水面濶四十餘里風有不順必致稽阻給事  
中侯於趙以兩人持議不決恐致過淮後期乞敕所司  
速議并欲淮南運道專責漕臣淮北運道命傅希摯一  
意經理三月漕運侍郎吳桂芳言高郵南河隄乃永樂  
中陳瑄所建運舸俱行湖內波濤爲患至宏治中侍郎  
白昂議開越河中爲土隄東爲石隄兩頭建牖名爲康  
濟河其中隄之西老隄之東約圈民田數萬所謂圈子  
田是也彼時未傍西隄爲河而別作越河於數里內舳  
艦安流軍民稱便但河去老湖太遠瞻顧不及缺壞不  
修遂致水入圈田又成一湖而中土隄遂潰壞東隄遂  
受數百里湖濤故有昨歲清水潭之決蓋勢所必至也  
今若盡復白昂舊跡策非不善但據估銀二十七萬有  
奇比之白昂所費尚不及半誠恐修築不堅數年後復  
壞不如照宏治中侍郎王恕議就老隄爲越河祇修築  
東西二隄爲費旣省而濬隄牽挽亦可隨壞隨修高郵  
旣完徐及寶應事下所司南河全考載是年漕運侍郎  
吳桂芳題委郎中陳詔等修復高郵西河老隄傍老隄  
由圈田改挑康濟越河并築中隄糧運民生至今賴之  
神宗實錄萬厯五年二月漕運侍郎吳桂芳言高郵石



隄功將底績宜及時挑越河查先年侍郎白昂開康濟越河去老隄太遠河成之後人心狃於目前越河之安而忘老隄外捍之力年復一年不加省視遂致老隄與中隄俱壞而東隄不能獨存今宜仿侍郎王恕之議傍老隄數十丈取土成河使隄上往來共由人得照管不致蹈前頽圯事下所司十一月漕運侍郎吳桂芳奏高郵湖土石二隄新開越河南北二廂及老隄加高石層增設護隄木城各工竣事報聞明史河渠志萬厯五年吳桂芳言淮水向經清河會黃河趨海自去秋河決崔鎮清江正河淤澱淮口梗塞於是淮弱河強而全淮橫

從灌山陽高寶間向來湖水不踰五尺隄僅七尺今隄加丈二而水更過之宜急護河隄以殺水勢部議以爲必淮有所歸而後隄可保未幾河復決崔鎮黃河日淤淮爲河所逼益徙而南時給事中湯聘尹議導淮入江以避黃旋因黃水向老黃河故道而去淮亦乘虛擁入清口故道淮揚水勢漸消部議以河淮旣合乃寢其議管河郎中施天麟言淮泗之水不下清口而下山陽從黃浦入海浦口不能盡泄浸淫高寶邵伯諸湖而湖隄盡沒則以淮泗本不入湖而今入湖故也淮泗之入湖者又緣清口向未淤塞而今淤塞故也清口之淤塞者



又緣黃河淤塞淮水不得不讓河而南徙也蓋淮水并力敵黃勝負亦或相半自高家堰廢而清口內通濟橋朱家口淮水內灌於是淮泗之力分而黃河得以全力制其敵高家堰朱家口宜及時築塞使淮泗并力敵黃則淮水之故道可復高寶之大患可減若興鹽海口湮塞亦宜大加疏濬湖隄多建減水大牐隄下多開支河要未有不先治黃水而可以治淮亦未有不先治淮水而可以固隄者也神宗實錄萬厯六年七月總督河漕都御史潘季馴等題寶應湖於本年六月內忽起暴風驟雨將木工復行衝決乞將河工諸臣重加究治南河

全考載是年九月潘季馴築寶應八澁石隄共長八十

五丈六尺修復淮安新舊牐壩遷通濟牐於甘羅城南以納淮水故道盡復漕運通行山寶高興鹽等處沮洳之地盡爲稼穡之場明史河渠志萬厯七年潘季馴築高家堰隄六十餘里高堰旣築清口方暢數年河道無大患潘季馴河防一覽載萬厯八年潘季馴題河工未盡事宜疏云淮南水患其源在淮黃其重在運道而民生利弊實相關焉向因高堰不塞牐禁不嚴而淮水始南黃水又從天妃牐灌入以致淮揚一帶浸及城市興鹽等處田廬盡成昏墊築高家堰改天妃牐復三壩嚴



啓閉而黃淮兩水并免南奔之患塞黃浦八淺修復寶應土石隄而興鹽一帶俱有可耕之田清口因淮水衝刷而益深海口得黃淮合流而大闢運計民生殊爲永賴矣但仍有未盡事宜以湖隄言之除寶應大工隄岸俱各修砌完固惟當率夫防守無庸別議外其庫薄殘缺之隄宜加土工椿木以減水牐言之除高寶江都新舊增置牐座可以宣泄者無庸別議外高郵南門舊橋口應改建減水壩一座寶應子嬰溝舊牐及泰山廟後輒牐九淺石牐應改建減水壩三座并江都邵伯湖加高牐石九座然減水牐僅可以泄尋常盈溢之水至伏

秋淫潦天長六合諸山驟發之水共注於湖止憑瓜儀

二牐宣泄不及查揚州灣頭東有運鹽河一道內由芒稻白塔二河直達大江勢甚通便年久淤淺先年侍郎王恕會議挑濬計長三百四十里道路遼遠工費不貲且議者又謂私販船隻偷度難防遂致中寢不知泄水之期每年止是五七八等月喫緊若從壩口密佈椿柵就令白塔巡司守防自可禁絕其餘各月任從築壩實爲兩利而無害也又查高寶江都隄內田地及興泰山鹽州縣地方外受各減水壩之餘瀝而內蓄時伏綿連之積雨皆由射陽湖經朦朧喻口出廟灣以入海乃



其故道也其渠道現存止宜修濬再寶應隄內重剗越  
河一節實與高郵康濟河事體相同節經題請勘議舉  
行但工費不貲相應暫停俟時和歲豐再圖興舉南河  
全考載是年決高郵城南敵樓之北隄南上河田廬皆  
沒郎中張譽督塞之寶應決黃浦譽率夫堵塞神宗寶  
錄萬厯十年十一月河道尚書凌雲翼言維揚古稱沃  
壤而地形庳下大海環其東諸湖繞於西所賴隄防厚  
支河通斯田地可耕民竈俱利自范隄坍塌高寶隄亦  
衝決不守其中大小支河所在淤塞於是以高寶興泰  
四州縣爲壑泄水無路而民竈苦於昏墊矣臣等躬親  
履勘度地形探水勢其治之道有二一惟疏上流使入  
江泄下流使入海沿漕隄一帶之水爲上流沿范隄一  
帶之水爲下流如西引邵伯湖之水轉南至新安湖復  
東入運河至芒稻河入江有餘則聽其直瀉不足則引  
以濟漕則上流疏矣如牛灣河姜家堰廟灣爲三大海  
口引各支河東會於串場河北會於射陽湖俱入海則  
下流泄矣而興化之堂子鎮戴家窰海溝河白駒三十  
團竈則牛灣之支河也黃土溝阜角樹至綱門登瀛橋  
河則姜堰之支河也安豐場至清備灌舖則廟灣之支  
河也其何塚場至白駒場一帶淺阻尤甚又河東一帶



舊係糧鹽大河洪水衝決河身與岸相平故水不軌道而淤溪秦潼艾陵葑子諸河之水北淹民田億千萬頃處處俱當挑濬惟是工有後先勢有緩急今將范隄數十里先行修築使外潮不得入串場支河六七道盡行疏濬使內水有所出果蓄泄利便積水可消則海口不開亦可如支河既通以後水患如故卽開海口置牖以備蓄泄工部核覆河臣議是定限今年十二月興工明年十月報完務須費省工堅詔從之十二年八月給事中陳大科言江南漕船歷高寶抵淮寶應汜光一湖浩蕩無際槐角樓一帶據湖之中其形如兜兩翼向爲運

道梗所司議開越河而一主圈田一主靠隄以省修築

昔侍郎白昂康濟河圈田之制也比尚書吳桂芳靠隄開越河十餘年來未見衝圯臣以爲靠隄便部議報可南河全考載是年三月高郵知州邵夢弼以本州東通興化各場鹽運東河一道隄岸久圯不治民田一望汪洋申請河鹽各臣勅築東隄屹然高峙北下低田盡爲沃壤神宗實錄萬曆十三年二月揚州江濤沸騰六月寶應越河成先是寶應有汜光湖素稱重險國初平江伯陳瑄築石隄於湖之東蓄水以爲運道上有所受而下有所宣後因決爲八淺滙爲六潭興鹽諸場皆沒而



淮水又間從周橋漫入洶湧排空萬厯十年嘗一日而  
弊千人十二年漕船敗者數十總漕李世達及巡按巡  
鹽御史議於石隄之東開越河以避其險乃命給事中  
馮露往視之河身長一千七百六十六丈爲石牖三爲  
減水牖二爲隄九千二百四十丈石隄三千三十六丈  
子隄五千三百九十丈賜名宏濟南河全考云後因牖  
水湍湑改爲平水牖  
十五年四月工部奏淮揚水患西南有淮泗西北有黃  
河高寶江都有西山諸湖之水聞寶應至廣洋射陽及  
高郵江都各路皆入海之路惟支河淤塞不通湖水泛  
溢而無歸爲今之計當備查疏通各支河海口十六年

四月勘理河道科臣常居敬會同督臣卞應龍再上河

工十二事一築寶應西隄以束流寶應湖口淺澀日甚  
緣水勢散漫泥沙易停議於山陽一帶培築西隄以束  
水勢一砌邵伯湖以免歲修蓋邵伯湖一淺二淺等處  
正當波濤衝擊排椿鑲版何能抵禦應盡包石以捍其  
銳一浚裡河身以利長運自淮安至儀真內河舊三年  
一濬其後歲一濬之久之且置勿濬矣合於重運過畢  
清口大壩畢工之後乘時挑濬并查復淺船之制南河  
全考載萬厯十七年總河都御史潘季馴修建邵伯石  
隄一道長一千二百八十丈補石隄六百十三丈淮安



府志載是年築西土隄寶應之西十餘里有白馬湖於湖之東築八淺石隄長八十五丈六尺又兼漕水旁潰入寶應湖以致流緩沙停自黃浦三官廟之西築西土隄長三千六百三十五丈束水由漕以省挑濬之費

防河一覽載寶應縣之西十餘里有白馬湖其當湖心而東即所謂八淺隄也往歲隄決湖水奔逸建飯而下舟楫過者稍遇西風輒沉溺不可救其決處濶入十餘丈深且二丈五六尺湍急莫可名狀雖不惜費寧能與水角力哉屢築無功覆徹可鑒乃議從湖心淺處先築西隄一道以捍其外仍於隄之南北截壩二道暫令運舟越湖而行隄壩成則八淺正決滯水不流可捧土而塞之矣是築西隄者乃所以築東隄也但東決雖塞西隄必不可棄仍須歲加修築寶應縣越河自黃浦至三官廟前長二十里水多旁潰入湖是以流緩沙停新壩一帶淺阻為梗今加築西隄一道長三千六百三十五丈以束漕水可省挑濬之費須責令人夫看守加意修護修不可緩 明史河渠志萬厯二十一年高寶諸湖隄

決口無數明年湖隄盡築二十三年又決高郵中隄及高家堰高良澗而水患益甚又載萬厯二十一年御史夏之臣言當急開高堰以救祖陵且言高良澗土隄每遇伏秋即決大澗口石隄每遇洶湧即潰是高堰在為高寶之利小高堰決為高寶之害大也孰若明議而明開之使知趨避乎給事中徐運泰則言黃河下流未泄而遽棄高堰則淮流南下黃必乘之高寶間盡為沼而運道無矣不如濬五港口達灌口門以入於海之為得詔勘河給事中張企程勘議企程乃言自隆慶末年高



寶淮揚告急當事者狃於目前清口既淤則築高堰以  
遏之隄張福以束之障全淮之水以與淮角迨後發石  
加築堙塞愈深舉七十二溪之水滙於泗者僅畱一數  
丈之口出者什一停者十九安得不倒流旁溢爲泗陵  
患乎人以爲高堰當決臣以爲高堰屏蔽淮揚殆不可  
少莫若於南五十里開周橋注草子湖大加疏濬一由  
金家灣入芒稻河注之江一由子嬰溝入廣洋湖達之  
海則淮水上流半有疏泄矣於其北十五里開武家墩  
注水濟河由窑灣牖出口直達涇河從射陽湖入海則  
淮水下流半有歸宿矣帝大悅於是企程及總河尚書  
楊一魁共議欲分黃導淮御史陳燧嘗知寶應縣慮周  
橋旣開則高郵邵伯爲壑運道民產鹽竈交受其害上  
疏爭之甚力大旨以分黃爲先而淮但欲多開入海之  
路令高寶諸湖之水皆東而後周家橋武家墩之水可  
注工部議覆亟行修舉萬厯二十四年八月興王建武  
家墩高良澗周家橋石牖泄淮水三道入海南河全考  
載是年決高郵中隄七顆柳郎中詹在泮等嚴督官夫  
築塞二十五年四月江都運河南門二里橋一帶水勢  
直瀉爲鹽漕梗巡鹽御史楊光訓請檄揚州知府郭光  
復開白二里橋河口起入西折而東從姚家溝以入舊



河名寶帶新河二十八年正月總督河漕劉東星檄郎中顧雲鳳等開挑邵伯越河長十八里濶十餘丈十一月又挑界首越河長一千八百八十九丈各建南北金門石牖二座其邵伯越河又建減水石牖一座三十年五月高郵北關小牖口潰決長六丈郎中顧雲鳳築塞之仍加甃石包砌堅固神宗實錄萬曆三十一年清口涸河臣曾如春言河涸之故大都因黃淮交滙河底衝深外低內昂勢不能伏漚而上今所恃淮南高寶諸湖之水臣檄行封閉不令旁泄北引接運頗有餘資可便於高寶諸湖建牖濬渠節宣用之永樂中平江伯陳瑄已然之效也工部議覆上從之南河全考載萬曆四十五年七月郎中李之藻督築黃浦牖下南岸一帶至射陽湖止長五十里四十七年八月郎中徐待聘修高郵西門審港起迤南石工五百九十六丈於天啓元年築完十月江都三汊河淤三百二十三丈界首鎮南淤三百二十二丈郎中徐待聘嚴督挑濬高郵州志載天啓元年大水隄決九里北南河全考載天啓二年四月寶應西隄一淺等處石工衝卸六百餘丈是年興化縣知縣邊之靖請修丁溪草堰小海白駒劉莊攔潮五牖至明年河湖大漲海潮特高賴諸牖抵禦而潮無內灌河



流亦迅駛入海又高郵中隄長百四十里歲久不修每  
遇水漲隄力不支民田被潦先惟塞南北金門二牖以  
爲障而船由外湖以行時遭覆溺天啓四年修築之計  
長六百四十四丈界首迤北一帶當高郵接界處河身  
淤澗市猾擅剝淺之利故屢濬無功是年於淺澗處先  
築草壩束水衝刷復加撈濬露筋廟湖口石隄亦於是  
年修築俱從水中壘土砌隄工程堅鉅熹宗實錄天啓  
五年二月給事中徐憲卿等以東南歲荒條陳五事一  
開瓜儀二牖以通咽喉之地崇禎長編載崇禎四年八  
月河道總督朱光祚以江南連月大雨淮黃驟漲高寶  
江儀等縣大水泛溢疏陳障濬大畧帝命光祚籌度力  
行高郵州志載是年夏雨五六尺隄決南北共三百餘  
丈南門牖崩城市行舟儀徵縣志載崇禎七年江水暴  
溢崇禎長編載崇禎十五年三月總理河道張國維疏  
請挑濬山陽清河寶應高郵江都儀真三百里運河計  
費四萬餘金章下所司自唐虞至有明其畧如此



重修揚州府志 卷之九

重修揚州府志 卷之九

重修揚州府志卷之十

河渠志二

國朝

世祖章皇帝順治十五年十一月御史何可化疏言自邵伯而北歷高郵寶應山陽安東皆受湖患而城低於隄者丈有四尺其西為高家堰高良澗二隄以障水勢而水過大則浮漫而行至淮揚城外西隄皆沙土即歲有修補終不能固勢必多為旁泄之路而後可則治湖之形勢不可不詳又鹽城等縣直達江都每歲鹽課百四十萬取給於此若隄岸一決盡被淹沒非一歲興工可便塞



補請

敕下河臣親到淮揚審度形勢下部議行十六年五月總河朱之錫疏淮水自西南來趨東北黃水自西來橫截於清口外淮之支流由清口折而南注通江者所謂運河也淮之正流會黃並驅東下入海者所謂黃河也伏秋之間黃淮交漲淮被黃遏周旋而不得出清口以上滙而為洪澤等湖則高堰危故堰南有高良澗周家橋兩牖泄水東入高寶白馬諸湖高寶湖東通達運河南從瓜儀入江而地勢微昂宣泄不及則運隄危故運河東岸有涇河子嬰金灣等牖泄水東下射陽廣洋等湖入海有灣頭牖有芒稻河泄水南入於江此運河及諸湖之形勢也隄牖之制今皆見存間有歲久圯壞者應行酌量估計以時修葺事下部議行朱之錫河防疏略是年歸仁隄決水自翟壩古溝下灌諸湖瀕河田舍水深六七尺高寶則侵及城市月餘乃潰漕隄而東注興化墊焉舊志

聖祖仁

皇帝康熙元年開周橋淮水東下隄決州境水患不息

按此俱係明季開周橋之弊四年大水隄決七月大汎湖水漲城市

水湧丈餘高郵志五年運河自儀真至淮安多有淤淺河

臣按地親勘儀真界內樸樹灣西方寺五里舖急需挑

濬知縣何崇倫濬之儀真縣志六年決江都運河之露筋廟



隄次年堵塞淮安府志七年六月飄風驟雨環城水高二丈城門堵塞

遣大臣

明珠等相視海口開天妃石礎白駒等牐毀白駒奸民閉牐碑牐水東去必入海口關係漕運議於白駒場等處設河廳一員上河水盛放牐即徹底開放各場牐河

始與漕河有濟

高郵州志行水金鑑云按牐河舊名運鹽河一名下河東抵興化縣中縣東

直入白駒劉莊二牐下海南入草堰小海丁溪等牐入海北入石礎天妃廟灣等牐入海白駒劉莊小海草堰丁溪俱屬興化石礎天妃廟灣屬鹽城是年決江都運三十鹽場各有海口瀉運鹽河之水焉

河之崇灣隄

淮安府志

八年周橋未閉清水潭決民田仍被

淹沒九年決高郵運河之茶菴清水潭江都縣運河之東隄四淺是年淮水大漲由翟壩入高郵湖民田淹沒

殆盡十年淮漲十餘日清水潭隄決

高郵州志

十一年總河

王光裕修寶應縣子嬰黃浦永安等七牐是年水漕隄

決

舊志

四月清水潭復決

高郵州志

十二年總河王光裕改造

芒稻河牐門建金灣滾水壩於邵伯南

舊志

是年大水清

水潭西隄將竣復決

高郵州志

十三年清水潭決口塞

寶應縣志

十四年決江都運河之邵伯

淮安府志

十五年水侵揚屬漕

隄殆不能支高郵之清水潭陸漫溝江都之大潭灣等

處共決三百餘丈殘缺不可勝數深及四五丈不等

上聞

遣工部尚書冀如錫戶部侍郎伊桑阿等訪究利害刻期



奏報罷總河王光裕移安嶽巡撫靳輔為總河都御史

舊志是年夏五月水發清水潭西隄再決及城南東隄上

下河俱淹高郵州志興化水驟長以丈計舟行市中興化縣志十

六年總河都御史靳輔疏言運河自黃水內灌之後日

墊日高今年八月河底竟致乾涸隨閉隄挑濬因回空

不能久待止量挑一二尺不等擬於明年立春後土凍

方解即閉壩大挑限百日完工十七年築江都漕隄以

高郵清水潭決口深不可築更於湖中繞回開河一道

改築東西隄與舊隄相屬名曰永安河舊志閏三月挑運

河工竣是年又大挑山清高寶江五州縣運河增築兩

岸其決口三十二處並塞之十八年四月清水潭決口

工竣六月改置南運口於三岔河是年增挑南運河起

土加築兩岸隄靳輔治河書開滾水壩於江都之鰍魚嘴十

九年水再置滾水壩於高郵城南八里又置於寶應子

嬰溝舊志是年淮水大漲七月潰水入城高郵州志二十年增

置高郵南北滾水壩凡八座壩口二三十丈不等對壩

皆開月河以防舟行之險凡舊隄險要之處皆更以石

舊志是年創建寶應子嬰溝高郵永平港南關八里舖柏

家墩江都鰍魚口減水壩共六座改建高郵五里舖車

邏港減水壩二座治河書二十一年建邵伯南減水壩淮安



重刊揚州府志 卷之十一  
府志 二十三年重挑金灣人字河舊志是年冬

仁廟南巡駐蹕紅花埠

命侍衛趙昌傳

諭靳輔問高寶興泰一帶積水爲何不去輔奏高寶興泰地方  
窪下如釜向來河道淤塞雨水蓄積並減壩泄下之水  
一時難去又

問開挑下河工程要費多少錢糧輔回奏當日科臣許承宣條  
陳臣照議估計約用錢糧一百餘萬臣一時不敢輕議  
若用民夫開挑方可節省又

問若用民夫開挑幾時可以完工輔回奏必得十餘年方可告  
成

上曰太遲若到十年知將來河道如何不如仍動錢糧速興工  
爲是十一月初六日吏部尙書伊桑阿等面奉

諭旨朕車駕南巡省民疾苦路經高郵寶應等處見民廬舍田  
疇被水淹沒朕心深爲軫念訪問其故具悉梗概高寶等處  
湖水下流原有海口以年久沙淤遂致壅塞今將入海故道  
溶治疏流可免水患自是往還每念及此不忍於懷此一方  
生靈必圖拯濟安全咸使得所始稱朕意爾同工部尙書薩  
穆哈往被水災州縣逐一詳勘期於旬日內復奏務期濟民  
除患縱有經費在所不惜爾等體朕至意速行是日伊桑阿



等帶領淮安府知府高成美往泰州興化鹽城等處一  
一勘明十一月十八日回奏臣等詳勘山陽寶應高郵  
江都泰州興化鹽城州縣之水原從車路白塗等河流  
入運鹽串場河出白駒丁溪草堰劉莊等場十餘口自  
苦水洋門龍港信陽港廟灣入海今因年久車路等河  
串場河及各場出口俱被沙土淤淺比高郵興化等處  
河身反高以故水雖仍流而蓄水不能出口今將減水  
壩一帶運河水口決濬導流將會流串場河之車路等  
河及串場河白駒丁溪草堰場等口俱挑濬深濶引高  
郵等州縣蓄水入海庶免水患民生得以樂業矣事下  
九卿詹事科道會議十一月九卿等議擬令總河靳輔  
及管河各官往車路等河並串場河白駒丁溪草堰等  
口逐一確勘作何挑濬深濶使高郵等州縣減水壩一  
帶運河水口引流入海其所用錢糧細數造冊具題奉  
旨靳輔見在督理黃河隄岸又令兼理海口必致兩誤且黃河  
海口係在兩處應另差官督理諸臣議將安徽按察使于成  
龍差出專責料理高寶等處下河事務

帝曰可

治河書及淮安府志江防志

二十四年九月總河靳輔奏高寶興泰山鹽等七州縣下河田畝被淹自明代已然

皇上親幸茲土目擊黎民昏墊之苦特沛



恩綸大加修治既

遣臬臣于成龍專管又以臣任河年久應知挑濬機宜并

命臣綜理其事敢不力圖報効唯是治之之法宜握要領審全局而曲圖節省蓋七州縣下河海口高昂地低於海潮五尺昔海潮內灌范仲淹築隄障之隄成而民享其利今若循先挑海口之議則是引潮內侵與范隄障水之意相悖不特積水必不能消而糜帑殃民將無底止治之之法全在蓄水注海夫內地既高於海潮五尺應於內地築隄高一丈六尺以高一丈六尺之隄自足以束高一丈之水內水既束高一丈則高過海潮五尺其趨海之勢必速而無滯矣隄既高一丈六尺則隄頂高過水面六尺其束水之力必堅而無旁潰之患臣所謂握要領者此也築隄束水固爲握要然運河之新舊減水插壩何止數十處卽下河之河渠溝港所以承運河插壩之水者何止數十道若不盡行築隄以束各處減下之水則水仍散亂無收漫淹田廬若一概築隄則其費數倍臣再四籌維查減水壩之最大而多者莫過高郵城南今應將高郵城北並車邏以南邵伯以北之零星插壩俱行閉塞拆取石料移於高郵城南邵伯鎮南改建深底大石插二座使洪澤湖減下之水並天長盱眙



各山澗之水由高郵城南之南關大壩五里八里柏家墩車邏等壩并新建之大石牖內泄去十分之八邵伯鎮南已建之減水壩并新議建之大石牖內泄去十分之二邵伯鎮南所泄之水半由芒稻河並通州入江半由串場河入海高郵城南所泄之水應自車邏鎮起築大橫隄一道直抵高郵再自高郵城東起築大隄二道歷興化縣白駒場至海東各牖壩泄下之水彙歸一處直達大洋且必量入爲出寧使出水之地寬大於進水之地使所進之水安流下注而無擁刷隄工漫潰決裂之虞故內地窪區築隄高一丈六尺之河止寬一百五十丈海灘高地築隄高一丈之河必寬一百八十丈也至於各工隄堰艱於取土者舊例每方給銀三錢尙有攤歛夯礮之夫在外然三錢一方之土近者不過數里之外遠亦不過一二十里今此次隄工於萬頃汪洋之中遠者至百餘里見土艱難數倍於常則不資之費從何措置查難辦之工共長六萬三千丈約需土六百四萬八千方無論取土之難數倍常時卽以加價一倍計之此六萬三千丈卽需三百六十餘萬兩矣况夫船兩難曠日持久不知工竣何日臣百計籌畫作就近取土之策其法先定隄基隨用船裝遠土於水內築成圍堰



其埂出水二尺中間寬三十丈長五十丈圍埂既成一  
面用草料防護一面將隄內之水車乾然後於離隄基  
十五丈之外挖土挑至隄基之上密加夯礮築成大隄  
頂寬二丈底寬十丈高一丈六尺每隄一丈用土九十  
六方連船裝築埂之土並車水防埂一切夫工器具物  
料以及陰雨食米等項每方需銀二錢六分六萬二千  
丈共止需銀一百五十七萬二千四百八十兩較之尋  
常估費者約省過半此臣所謂圖節省者此也此外一  
切挑築工程大約與舊例相同止於築隄者每方連陰  
雨食米給銀一錢六分連挑帶築者以築成隄土爲準  
每方連陰雨食米等項給銀一錢八分內自白駒場至  
海口應挑大河二道共約長二萬四千丈卽以挑河之  
土築成頂寬二丈底寬七丈高一丈之大隄二道每隄  
一丈用土四十五方連挑帶築每方給銀一錢八分二  
萬四千丈共需銀十九萬四千四百兩又自白駒場北  
至廟灣南歷海安泰州至芒稻河共應築隄十五萬丈  
其隄大小不等用土亦多寡不等土方價值一錢六分  
一錢八分不等約共需銀七十六萬八千兩高郵州南  
邵伯鎮南各建大石牖一座白駒場南北兩岸亦各建  
大石牖二座除拆取廢牖石塊外其添買石塊轉運舊



石以及椿木灰米錠錫夫匠工食等項並牘旁添建木  
涵洞二百个分引河流減殺牘內建瓴之勢共需銀六  
萬兩又因前工盡完之後上流河湖之水悉由新築水  
工大河內入海涓滴不能旁泄若遇大旱之年難免禾  
苗枯槁今創建木涵洞二百个隨時啓閉以資灌溉每  
个需銀一百兩共需銀二萬兩又水工大隄地勢最卑  
河寬水急若不預爲保護則一時風起倉卒無備此隄  
一有損失前工盡棄今將此六萬三千丈工程盡捲四  
五尺高順埽再加丁頭草橫疊鑲護每隄一丈用草蘆  
椿柳夫匠工食等項銀二兩四錢三分六釐三千丈共  
需銀十五萬三千九十九兩又白駒場至海口共隄二萬  
四千丈地勢稍高而河寬水急亦用草防護每丈需草  
價銀六錢共需銀一萬四千四百兩以上修治高寶等  
七州縣下河工程共需銀二百七十八萬二千三百七  
十兩乞

敕部先撥一半以便乘時僱工餘容臣陸續請撥限三年告竣

治河書 二十年正月工部等部因會議監修下河侍郎孫  
在豐等所奏並靳輔堵修高堰高郵邵伯等處牘壩緣  
由具題奉

旨修理下河成功不在高郵州所有牘壩而在乎堵塞高家堰



之壩並黃河南岸毛城舖等處所有減水牐壩皆堵塞則黃河之水不流入洪澤湖如洪澤湖既無黃河流入之水止有淮水將高堰之壩暫行堵閉一年後挑濬下河方可有益是月工部等部詢問靳輔閉塞高堰等處牐壩緣由會題奉

旨下河工程今年著止將高郵州大小壩及高家堰牐壩照靳輔等所奏定限堵塞令孫在豐等挑濬海口其黃河南岸牐壩著於來年堵塞一年高郵高堰等牐壩俱仍照現議限期堵塞令其預先備齊工料人夫自今年十二月興工挑濬下河勿致違誤二十八年正月

仁廟南巡駐蹕瓜洲陳家灣

諭司河諸臣高郵州南北一帶殘缺輒石工程著修理二月浚丁溪草堰白駒等河又浚馮家壩河八月總河王新命疏稱儀真縣四牐蒙

皇上聖明洞照加意運道民生行令修理查新河口之北新洲原係江心長成之沙今欲挑挖成河從來未經試驗之事可否挑成難以預必卽挑成後果否不致淤長尤難逆料且糧船皆由一牐經行未見阻滯所有一切重運似應仍照歷年由瓜洲牐入運河其儀真開洲挑河并修理四牐俱應暫停工部議以各省漕船盡由瓜洲一



牐行走勢必頂阻以致遲誤亦未可定應請

敕下總河總漕兩江總督會勘定議具奏旋據兩江總督會同河漕總督疏稱儀真牐外江口北新洲一帶俱係乾涸而北新洲之外又有沙漫洲過水不過二捺餘橫亘二百丈難以築壩若自沙漫洲尾從北新洲腹內向東北斜開引河以通四牐不能保無坍塌似應仍挑北新洲舊河身直通四牐一切糧船令循北新洲尾轉入新河口可以通行報

可三十一年二月侍郎博濟等疏稱高郵州等處減水壩九座內有八里舖車邏鎮二壩底石被水衝損其古溝東壩底并北二壩底衝損之處均應令堅固修理高郵以南五壩應仍照原定限期開放永安隄改下竹絡尚有未完應速行修完瓜洲牐二座月河一道儀真牐四座運河一道俱係新工下河丁溪草堰白駒新建牐座始行興工車路引河尙未挑完等因經部行令總河作速堅固修理

張鵬翮  
河防志

三十六年十月

諭部臣曰下河地方久罹水患朕心時切軫念前令挑濬白駒岡門等口原欲使水盡通流田皆涸出見今興化泰州等州縣積水尙多田仍淹沒民生甚屬苦累著行文總河總漕親往會勘將下河積水何故壅塞不能迅流應作何盡令歸海



涸出民田之處一一詳閱議奏十一月總漕桑格等會題下  
河爲泄水入海之區自淮安以至邵伯計運河東岸共  
有涵洞三十處牐十座滾水壩八座此皆運河及高郵  
邵伯湖之水由諸涵洞牐壩等口歸入射陽廣洋等湖  
至白駒岡門等口入海總由下河受水之處甚多而泄  
水入海之口猶少是以水勢汪洋易於停蓄及遇霖雨  
諸河泛漲以致水勢洶湧通流不及而下河之高郵寶  
應泰州興化鹽城廟灣等處地皆窪下均受其災興化  
地方尤低積水更甚臣等沿河踏勘除現在水尙未消  
無分隄岸之處必俟水落再行確勘外今將勘明亟宜  
疏濬各口及應建牐座之處敬陳於後一高郵湖之水  
勢宜分也查邵伯鎮南有金灣三牐牐南有金灣滾壩  
一座三牐之水由人字河入芒稻河下江其金灣壩外  
原無引河今議於壩外挑引河五里通人字河將高郵  
湖水引人邵伯湖由金灣壩同歸人字河入芒稻河下  
江其人字河計長十八里見今淺窄應加挑濬又芒稻  
河原有舊牐二座西牐六門東牐三門今俱損壞應加  
修建如此不但邵伯湖水不至下河高郵湖水亦可分  
泄而下河受益矣一車兒埠入海之路宜開也泰州何  
塚場有車兒埠其上流乃高郵漫漲之水及興化梓新



河之水均至何塚場之老壩匯流於車兒埠口至姚子  
竈四十里河身淤淺應加挑濬姚子竈至苦水洋三十  
餘里間有河形應加開導入海其車兒埠口老壩兩處  
應各建牖一座以備啓閉而泰州之民田受益矣一丁  
溪入海之口宜通也查丁溪牖口至撈魚港六十餘里  
河勢深通無庸疏濬自撈魚港至苦水洋七十餘里河  
身淤淺若循舊河挑濬其河勢甚平不能迅速徒費無  
益今相度情形議於撈魚港之北就近直挑四十里卽  
入王家港下海而丁溪入海之路通矣一小海場入海  
之口宜開也查小海場有一河形原係泄水入海故道  
年久淤塞今議於小海河口建雙金門石牖一座自牖  
口起至鄧家窰計長四十里應照舊河再加挑深自鄧  
家窰起至姚子口計長二十里雖舊有河形然地勢紆  
回宜泄不壅今相度情形自舊河北岸鄧家窰起向姚  
子口就近直挑十里以入舊河再自姚子口以下將舊  
河挑濬十餘里會入門龍港下海而興化又增一泄水  
之道矣一草堰場泄水之牖宜增也查草堰入海之道  
雖壅但止有牖一座兼之窄小上流水大不能一時宣  
泄今議於舊牖之下添建一牖下挑月河七十丈則土  
流無壅阻之患矣一運河之水勢宜分也查淮安城南



運河東岸有興文小牖一座此牖係分泄運河泛漲之  
水流入澗河由射陽湖下海見今下河淤淺兼之牖門  
窄狹水不暢流今議將牖門改濶并將澗河八十餘里  
加以深濬以泄運河之水則運河之水不至高郵而興  
化等處更有裨益矣事下工部議尋復

卿詹事科道會同速行確議具奏

淮揚道  
治河橋

三十七年七月

九卿等議覆總漕桑格總河董安國等疏稱邵伯鎮南  
金灣壩下挑引河直通芒稻河牖并將曹家灣湯家絆  
七節橋等處挑濬又於車兒埠口至朱家竈止王家港  
及興文牖至流均溝止各挑深河於草堰牖置草壩挑  
月河於車兒埠口小海口二處建草壩并修建芒稻河  
牖興文牖又總漕桑格疏稱白塗河橫挑三十餘里并  
入車路河其車路河自唐子鎮起至新莊止淤塞十餘  
里海清河自鮑家莊起至白駒口淤塞七十餘里海陵  
溪自禹王廟起至仲家寨淤塞四十餘里鰕鬚二溝夏  
梁河共淤六十餘里朦朧西首之射陽湖淤塞四十餘  
里查下河岡門丁溪草堰白駒等處康熙二十六年經  
原任侍郎孫在豐挑濬二十八年又經原任總河王新  
命挑濬積水並未入海徒費錢糧或係海口高昂內河  
低窪以致積水不出應令總漕總河會同兩江總督江



寧安徽巡撫查勘如照此挑濬下河積水果能入海田地果能涸出江海有無倒灌之處逐一確勘具題到日再議十月總漕等會疏言臣等前疏內議修芒稻河者欲分高郵邵伯兩湖之水入江使不至下河也議挑曹家灣湯家絆七節橋者係開通高郵邵伯兩湖淤塞之路使通芒稻河以下江也議挑車兒埠之濬子河者欲使泰州所受之水由苦水洋入海也議挑澗河者欲分運河之水流入澗河由射陽湖下海使不至高郵也議挑海陵溪者欲使高郵所受之水通岡門下海也議挑車路白塗海溝三河者欲使興化所受之水由丁溪草堰白駒入海也議挑鰕鬚二溝戛梁河并滕隴西首淤塞之射陽湖者欲使高寶興泰鹽山等處之水俱由廟灣下海此海口爲下河最窄最寬之地泄各處上流之水尤爲最鬯也臣等逐一細加覆勘與前無異毋庸更議十一月工部如所議題覆

上諭諸臣曰挑下河事關係民生先經交與凱音布孫在豐于成龍王新命等挑過伊等俱以挑完大有益於民生等因具題檔案俱在部可查人俱在可問今看來俱徒糜費錢糧並無水涸田出有益於民之處今桑格等又稱應行挑濬具題九卿不問明先經挑濬之人不查檔案卽議準行如果此番



挑濬果能水涸田出有益民生朕不惜錢糧卽發庫銀興工捐納事例斷不可行現在山西捐納銀糧事例尙未明白桑格等如果將下河照伊等所題挑濬卽能水涸田出有益於民將伊本身家產出具保結卽準挑濬此事御史吳甫生亦有條奏將吳甫生條奏事宜一併發還九卿問明先經挑過之人閱查檔案確議具奏九卿等復行議奏

上諭諸臣曰朕於南巡詳閱兩河情形凡疏濬修築事宜俱面爲指示河道總督于成龍等令其遵行已有旨矣三十八年諭戶部朕君臨天下期於黎民樂業各獲其所凡興利除害之事靡不舉行蠲免賑貸之恩靡不下逮比年以來因淮揚所屬地方疊罹水患業已歲蠲額賦卹頻施又動支數百萬帑金責令在河諸臣於應挑應築之處酌量修理務使泛濫之水滙歸入海被淹之廬舍田畝盡皆涸出用底幹寧乃錢糧竟爾虛糜卒不能使積潦有歸田廬未涸民生未遂朕聞之惻然軫懷茲值四方無事之時欲將一切修舉事宜詳閱指示用是躬親臨幸沿途省視黃河水勢諮訪地方父老比至歸仁隄高家堰量度地形高下應挑應築之處已經一一明示河臣惟是被淹地方米價翔湧生計維艱朕目擊民依用深厯念著將漕糧截留十萬石於高郵寶應興化泰州鹽城山陽江都受災七州縣各留一萬石悉照時價減價發糶



餘三萬石著於邳州留八千石宿遷桃源清河安東各留五千五百石亦照時價減糶七州縣發糶之米著就近交與漕運總督邳州著遣司官一員前往監視再截留米十萬石於淮安揚州各收貯五萬石此應留漕糧不論何處米石著就近截留爾部卽遵諭行又

諭河道總督于成龍曰朕初五日自淮安起行沿途細閱河隄除河底已高東邊甚窪毋庸置議外朕所駐蹕界首鎮前湖邊用水平測算河水比湖水高五尺八寸揆此湖水似不能越此隄而入運河前往高郵未知若何但當湖之石隄雖被水汕壞朕公同細閱被人搬去損壞之處亦復不少此固屬要工修築亦不甚難爾委賢員作速查驗卽僱工修築嗣後查閱工程有應修築之處照此頒旨是月

命歲貢馬泰傳諭于成龍曰朕自淮安一路詳閱河道測算高郵以上河水比湖水高四尺八寸自高郵至邵伯河水湖水始見平等應將高郵以上當湖隄岸修築堅固高郵以下河之東隄亦應修築堅固至於邵伯地方因無當湖隄岸而河湖合而爲一矣不必修築隄岸聽其流行高郵東岸之滾水壩涵洞俱不必留用將湖水河水俱由芒稻河人字河引出歸江入江之河口如有淺澀處責令挑深如此則湖水河水俱歸大江各河之水俱不歸下河下河不必挑深爾速行前



去將朕旨轉傳于成龍令其啓奏四月河道總督于成龍奏

上

諭曰運河東岸隄工凡有石工殘缺者仍補修石工其土工隄內有水之處下埽幫築減水壩俱堵塞堅固用心防護越壩更屬緊要亦著加幫防護淮安府涇澗兩河必須挑濬深通毋任淤澱又

諭如有漫頂隄內積水之處卽釘排椿幫築減水各壩俱著堵塞堅固隄防要緊凡有懶惰河官不留心防範者輕則卽行懲處重則懲後斥逐切不可姑容從事致誤河工又

諭人字河若有窄狹處可以相機挑挖凡有需水舊口修砌涵洞令民灌田隄岸單薄處亦酌量加幫又

諭此運河東岸著再加重不必開減水壩其涵洞與金灣滾壩舊有河身民間用水灌田仍照例開放減水壩著河官堵塞堅固用心防守要緊至新加隄岸亦著爾於帶來官員內選擇或五十丈或六十丈責令加意防守西隄土石各工亦上緊僱修高家堰亦速速修完下河田地不過一二年可以見出又

諭曰爾回去卽看歸仁隄高家堰清口甚屬緊要徐廷璽著回揚州去往回查看永安各石工并東西岸各工與堵塞減水壩要緊將京中帶來各官每員或五十丈或六十丈逐名交



給用心防守毋得疎虞是年五月初一等日陡起西風將高郵城北陸漫厝西堤一帶土工打通以致東隄新工浪汕殘缺至護城通湖各口東隄亦被浪汕坍卸又城南車邏鎮起至江都露筋厝止及三溝厝至邵伯止原無西隄其東隄新土工浪汕入裏二三四五尺不等蕪城墩迤南一帶東隄未完之處亦皆漫水是月總河于成龍疏稱高江境內湖河水長六尺餘寸值今五月以來每日長水寸餘不等尙未平定西岸土隄多被風浪打通東隄新築未完之處俱皆過水臣等隨行淮揚道親勘督防外惟是揚屬運河減壩原與高堰唐梗徐壩等壩相爲表裏蓋淮居上源而揚居下流所以兩處壩壩定例同時啓閉前因揚屬各厝壩奉

**台盡閉**

而唐梗等處未便全堵所以揚屬之水有長無落臣等再三籌畫若高堰小黃莊迤南一帶石工盡行儻修完竣卽將唐梗等壩盡行閉塞竭力防守可免無他虞揚屬水勢自可消落日今高堰各工因錢糧不繼尙多未完若令各壩全閉不但徐壩汛內受危卽高堰高良澗各處亦爲可虞倘有疎失所關非小是以准令暫開二壩實閉四壩至揚郡東隄雖至危急尙有金灣等壩爲之宣泄卽邵伯迤南東隄漫水俱歸入江與下河無礙



又東隄危險漫水處所亟應簽釘排椿據委員估計前來臣徐廷璽見在親督各員照估修築務期速竣以資保固奉

諭依議速行今年運河滾水壩既經堵塞水勢洪大勢所必然該督著遵前旨不時謹慎防備務使隄岸堅固九月總河于成龍奏南運河乃糧船經由要津又居下河七邑上游更兼高堰六壩減出之水盡由草字河歷寶應高郵諸湖而入於此水勢浩大河窄難容是以前河臣靳輔於高郵南北建設大小減水壩五座題明開放定例頻年以來依期開放雖隄岸保固無虞而下河諸邑皆受其害恭遇

聖駕南巡軫念下河災黎

諭令臣等大修隄岸堅閉減壩下河麥禾幸得收穫一遇伏汛水發盈隄溢岸以致高壩九里邵伯更樓閘家涵洞皆被漫決臣等酌開壩兩座上下隄岸方得保全總緣高郵河身與山陽寶應河身相等驟受高寶諸湖滔天之水開牖則有害於民田閉牖則有傷於隄岸欲兩相保護難已臣往來查看再四思維惟將泄水減壩盡改爲滾水石壩水長聽其自漫而保隄水小聽其涵蓄而濟運則運道民生兩有裨益



帝俞其請十月總河于成龍奏高郵九里決口一工先責令該管各官賠修堵築外其邵伯更樓決口一工其堤舊有涵洞隄內原有河形在平日隄工完整每歲水發之時西岸一片汪洋東岸甚屬危險是以今歲水漲卽致漫決卽堵築完固亦難堅守今臣等親詣酌量不若就此決口之下將舊引河疏挑寬深在於河東築做土隄束水南下以固東西兩岸隄根

帝可其奏成龍等復奏旋督同道廳親勘決口迤東被水衝久河底太深難以越過卽使水內築隄工程亦難驟起今議將決口西岸繞挑月河築隄並打攔河壩使水由月河改行而現在之決口日後自必掛口另議堵築不特省費亦可以濟運道之急等因部臣議覆報

可三十九年三月河道總督張鵬翮面奉

聖訓引湖水使之由人字河芒稻河入江朕所見最真爾必須要行是年四月河督張鵬翮題人字河自金灣牯至孔家渡爲河之脈絡見今窄狹宜開廣濶自此至芒稻山河分兩派又名芒稻河此處水口兩岸亦狹又有土嶺二處前河臣尙未挖竟目今湖水方盛宣泄宜急應多募人夫刻期盡行挖去水口下有芒稻牯年久塌壞磯心頗高宜挑深另修鳳凰橋引河係前河臣新挑因未挑深



重刊州志 卷之十一  
橋口至胡家樓河水絕流竟成平地宜加挑深引水從王家莊入運鹽河匯入苾稻河雙橋灣頭二河見今水流同入苾稻河但河底亦有淺處應俟冬時挑濬深通其灣頭插翅塌陷宜及時修砌此三處之水俱相繼會入苾稻河十八里入江此江都金灣插以下至仙女廟之情形也高郵自攬軍樓起至東西灣止因高堰洪澤之水滔滔東下西隄淹沒漫入運河東隄一望汪洋水由城南大壩而出洶湧泛溢當伏秋水漲恐東隄單薄難以捍禦致有不虞宜將見閉三壩相機酌開以保城池隄岸等因九卿科道會議覆准報

可并敕速行五月

帝遣員外郎托克托和等至河道總督張鵬翮處將修過河工情形閱看并

諭張鵬

翮明白繕摺交托克托和等帶回啟奏尋奏清河運口至高郵界首一帶裏河頻年黃水入運淤澱從未挑濬前河臣每以加高爲事致河身日高一遇水漲往往潰決宜加挑濬深通卽取河底之泥以加隄身高寶江都一帶西岸土石隄因洪澤湖水東下西隄盡淹河湖一片宜俟冬時水落興修高郵城南之石壩因高郵湖水洶湧經由城南壩上而出不能盡由人字河而泄宜於



重刊少府志 卷之二  
秋盡水落照前河臣所估將五壩改爲四滾水壩壩下相度情形開引河使水有去路又奏邵伯更樓已經修壩堵塞完工糧舟通行無阻居民亦鮮水患其決口雖不堵塞亦屬無礙似可暫緩高郵護城隄工關係緊要臣前題明興修今正在刻期修竣以資捍禦嵇家壩決口今正在堵築未完但湖水方盛邵伯南壩已堵若將此工堵塞無處泄水應暫畱此口泄水以保隄工俟秋盡建壩以資宣泄人字河芑稻河引湖水入江關係緊要臣前題明挑濬今正在上緊挑挖務期速完以資宣泄其芑稻壩俟秋盡水落方可修建鳳凰橋引河引湖水由芑稻河入江前因挑挖不深河身又係高岡以致水不能流臣前題明挑濬深通今正在上緊挑挖九里決口在高郵九里地方已經堵塞完工七月又

諭見今遣人往張鵬翮處著將河水情形各處工程修理若何著明白開寫摺子交與遣去筆帖式賚回啟奏尋奏高郵水勢雖大由南關柏家墩二處滾壩泄水荷蒙

皇上指示方略挑挖人字河芑稻河深通泄水暢流入江高寶江都運河隄工皆保平穩高郵護城隄埽工一千六百五十丈前經題明委高郵州知州謝廷瑞等領帑修理已經完工足資捍禦邵伯更樓繞挑月河築壩工程已



於四月二十七日完工題報人字河苾稻河委張澍等  
已開挑寬深引湖水暢流入江鳳凰橋引河因中段土  
岡堅硬挑挖頗難見催委員王進楫上緊挑挖刻期完  
工其高郵城南滾水壩高寶江都一帶土石隄工見在  
分案估計興修十二月總河張鵬翮題臣檢查舊案康  
熙三十八年三月奉

上諭下河現有積水不得不引出歸海將串場河射陽湖鰕鬚  
沙溝一帶挑通引積水流出歸海欽此仰見

皇上軫念民生指畫周詳前河臣于成龍未暇兼顧今臣遵

聖訓疏通海口堵塞六壩開闢清口黃淮二瀆合流入海上河  
漸次就緒乃親往查勘下河見水勢漸消惟興化形如  
釜底較泰州鹽城水患尤甚臣博采輿論高郵山陽鹽  
城一帶之水由射陽湖之鰕鬚二溝入廟灣以達於海  
今鰕鬚二溝因童營漫溢淤爲平地雖有夏梁河出水  
但河身淺狹不足宣泄是以泛溢於興化鹽城一帶今  
宜將鰕鬚二溝挑挖口寬十丈深九尺或一丈不等引  
水入朦朧口以達於海高郵滾水壩下之水由興化縣  
安豐鎮至白駒場以達於海今自鮑家莊至白駒八十  
餘里地高水雍宜挑口寬八丈深六七尺不等引水由  
白駒場入海其高郵一溝以下見有河形一片汪洋興



化白駒牯以下暢流入海俱不需挑挖又自興化車路  
河至丁溪由撈魚港以達於海今撈魚港淤塞八十餘  
里應挑口寬八丈深六七尺不等引水入海寶應之水  
由子嬰溝老河口入射陽湖以達於海今老河口一帶  
淤淺三里餘應挑口寬十丈深六七尺不等引水入湖  
泰州之水自淤溪至車兒埠滔子河以入於海今滔子  
河二十二里被土商築壩釘樁淤塞不通應開口寬八  
丈深六七尺不等引水出苦水洋入海至於串場河自  
泰州以至鹽城長三百餘里多有淤淺若挑至廟灣入  
海商民兩利舊係鹽商挑濬范公隄長二百里今已殘  
缺應修需費不貲應俟下河積水消後再圖興舉奉

旨俞允

敕部施行四十年正月張鵬翮言高寶江都一帶隄岸  
臣前請冬時水落仙修今唐梗等六壩堵閉高寶西岸  
隄根漸次涸出除寶應縣北城灣南唐隄五淺龍王廟  
江都縣西隄排樁等工尙屬可緩其高郵陸漫牯西岸  
原屬土隄每遇伏秋水漲堪虞應建石工與永安界首  
二處石工上下相接計長一千六百二十五丈江都西  
隄殘缺石工二百四十四段共長一千二百二十七丈  
五尺並應修補高郵州東隄朱家田頭單薄危險亟應  
下埽壓土工長四十八丈清水潭草大王廟東隄裏口



險工舊埽年久朽爛應下埽加工以禦風浪計工長一百五十丈又金灣三牖裹頭磯心倒缺不堪亟應修理又永安東隄裏口龍門北灣險工計長一百丈永安南隄龍門南北灣裏口埽卸險工計長一百二十六丈俱應修築下部議速行是月張鵬翮言運河伏秋水發黃水倒灌自古已然故自清口以下建牖築壩以防淤澱今運河初挑應俟清水衝刷使深河底尺寸既定方可建牖茲清水雖已出黃轉盼汎水繼至節宣之道預防之法不可不籌今于張福口裴家場中間開引河一道會張福裴家場引河之水并力敵黃但淮黃究恐不敵故蓄高堰之水以助其勢如黃水大發在糧船過完之後仍行堵閉攔黃壩使不倒灌且可刷深黃河在糧船正行之際遇黃水大發將裴家場引河暫閉淮水由三岔河至文華寺入運河濟運倘運河水大山陽一帶由涇澗二河入射陽湖下海寶應一帶由子嬰溝入射陽湖下海高郵一帶仍由城南柏家墩二大壩泄水江都一帶由人字河鳳凰橋等河泄水入江若遇黃淮並漲清水由翟家壩天然滾壩泄出黃水由王家營減水壩泄入鹽河至平旺河下海若糧船過完黃水不大將運河頭壩煞閉令清水全入黃河以資衝刷止畱三岔河清



水由文華寺入運河此古人設天妃廟于糧船過後閉  
廟築壩之意也奉

旨所奏已得河工秘要著九卿詹事科道會同速議具奏九卿  
等議覆報

可并敕速行四十一年張鵬翮言界首迤下一帶河道自高郵  
泥甸橋起至永安南裏頭止向年湖河相連水勢甚大  
今六壩久閉高寶湖水消落水勢平緩上流所刷之沙  
聚集下流河底未免淤澱應挑濬一律深通奉

旨界首以下運河若極其淤淺有礙運道卽照所請挑濬如漕  
尙屬可行則挑濬著停止將此項錢糧留於緊要工程動用

旋經張鵬翮陳奏仍應挑濬深通卽於十二月挑濬完  
工河防志四十四年三月

仁廟南巡諭河臣曰運河東隄保守最爲緊要隄岸應行加幫  
高郵迤南河水高於湖水東西兩隄卑薄應加幫修砌量建

石工四十五年正月奉

旨於高堰三滾壩之下挑河築隄束水入高郵邵伯諸湖其高  
郵減水壩下亦挑河束水由串場河入白駒等河入海揚河廳冊

恭讀康熙六十年四月  
上諭自是河道安瀾迄二十餘年五十五年三月總河

趙世顯言瓜洲自四廂起至江口止計長二百九十七  
丈統名花園港漕船賴以屯泊上年六月江流北徙將



重刊揚州府志 卷之十一  
四牖之下運河南岸花園港地方坍塌一百二丈以致  
屯船無所應請于四牖之旁運河北岸開挑月河一道  
以爲屯船之地再瓜洲息浪菴前石馬頭已坍塌十分  
之六蓋因江湖大溜北趨所致

諭九卿等曰趙世顯奏花園港地方及息浪菴前石馬頭俱  
被江水衝坍屯艘之處窄狹風浪可虞請挑月河等因朕以  
普天之下生民爲念無處不預爲籌畫倘江水日漸北流衝  
刷不已則瓜洲城垣必致危險查荊州杭州俱有護城堤岸  
瓜洲地方修建護城隄作何保護不致危險庶瓜洲一帶地  
方始得完固著九卿確議具奏九卿等請

敕令總河會同江南督撫漕運總督親勘相度形勢詳加確議  
旋經江南督撫河漕總督勘議於息浪菴前建築護城  
隄埽工長二百七丈護城石工長三百一丈花園港越  
埽長一百八十丈及開寬挑深渡軍橋等處河道并設  
文武汛官河兵駐工每年入於歲搶修案內修防

帝可其奏

江防  
廳冊

世宗憲皇帝雍正五年因大學士馬齊等奏治河方略內有原  
任給事中許承宣條奏揚州水利一疏奉

旨著揚州府在京官員具奏旋經通政使繆沅等請修揚州五  
塘及挑濬三十六鹽場串場河道奉



與總督范時繹總河齊蘇勒巡撫陳時夏定議具奏是

年十二月時繹等奏五塘毋庸議挑止諭令田主於塘內見有溝汊各築土壩以截雨水備旱六年正月時繹等復言帶子溝至陳公塘口見今接連運河足資灌溉亦毋庸議挑烏塔溝接句城塘口計長二千八百七丈槐子河接小新上下雷塘口計長一千八百五十四丈均屬淤淺應挑濬深通引入河水以資灌溉又江都縣屬運鹽河自灣頭牖下起至泰州止河道一百三十里見在衆商捐挑毋庸再議惟北岸之高家老壩徐家涵楊家渡口黃婦橋四處爲分泄下河之孔道南岸之董家溝白塔河董家油坊潘家堰四處係宣泄運河入江之口岸向設土壩水柵防匪通流因年久損壞不但阻礙河流更多私販出入今於董家溝估建滾壩一座白塔河估建石涵洞一座徐家涵估建木涵洞三座并於董家油坊潘家堰高家老壩楊家渡口四處各建木涵洞黃婦橋圈添砌橫木旣便蓄泄兼可防奸又泰州迤東至如皋縣河道均有淤淺之處亦應間段挑濬以利鹽運計長一萬八千六十四丈又泰州興化鹽城三州縣申場河道自泰州富安場通遠橋起至鹽城縣伍祐場徐家港止通計三萬四百丈均應酌量地勢分別挑



重修海州志 卷之十  
深自泰州東臺場三里灣起至興化縣劉莊場止一萬  
一千丈地勢較窪隄岸庠薄今以挑河之土加幫近河  
范公隄其離隄寫遠之處增築子堰以束水勢至場河  
牯座依時啟閉利商便民最爲緊要查丁溪場雙門石  
牯一座白駒場南北中牯三座尙屬堅固止可加高補  
修便可留用至小海場草堰場所有一牯年久坍塌止  
存牯基茲酌采舊石改建雙門石牯二座以裨節宣又  
如皋縣之苴河洋興化縣之青龍橋鹽城縣之石礎口  
廖家港草堰口等處均係水道入海要區最爲便捷今  
增建大小石牯五座以利宣防其鹽城之天妃口河寬  
三十丈八尺泄水最暢但鹽潮倒灌茫無攔攔民田多  
被淹損今相度地勢估建十洞金門石牯一座設版啟  
閉以資關鍵又如皋縣之黃沙洋係泄水入海要道因  
地係浮沙難建牯座今勘舊范隄由鄭家廟地方土性  
堅實估建單金門石牯一座并築子隄二道直接范隄  
以資保障查牯下海河除草堰白駒二牯海河俱各深  
通毋庸挑濬外其丁溪牯下自麻墩起至智家港東口  
接小海牯河內萬應墩止共六千二百七丈小海牯下  
起至王家港海口止共一萬四千九百八十丈青龍橋  
改建雙金門石牯一座牯下河一道至牛灣河止共五



千七百二十丈均係場河通海捷徑因年久未挑河道  
淺窄並有淤成平陸之處亟應挑濬深通以裨宣泄又  
泰州運鹽河自北門新城店起至何梁場止共長二萬  
八百八十丈係由州城直達臨海各場之要道向無隄  
岸收束水勢以致湖河相連舟行多險應令挑河一道  
卽以河土加築北岸長隄一百二十里直接海道口以  
分河湖以利挽運又興化縣地勢最窪諸水下滙先注  
此邑然後分流入海其縣屬有梓新車路白塗海溝界  
河等五河上受諸湖眾水之奔注下爲各場海河之門  
戶內除梓新白塗二河見今地勢稍平水無阻礙其車  
路河下尾接丁溪隄七千七百四十丈海溝河下尾接  
白駒場隄九千丈地形稍高河身稍淺界河長一萬八  
千丈爲大縱等諸湖泄水要區見今河身淤淺亦應分  
別疏濬庶上源迅速下流無阻嗣時繹續將丁溪小海  
青龍橋三河照原估河面加寬一丈河底加寬五尺泰  
州南門高橋起至如皋丁堰止前係帶水量估間段興  
挑今擬將間段不挑之處一律開深五尺串場河原估  
通河開濬今逐段測量自泰州之富安場至興化之白  
駒場南段九十餘里河底見在之水亦皆七八尺不等  
可以停其挑濬車路等河亦有于原估丈尺之內見爲



水刷深可無挑濬之處及河身灣曲開挑徑直應核減  
丈尺如皋縣之直河黃沙洋二處前議建牖今查該二  
處地勢外高內下應改築土壩二處遇水大之年再開  
壩宣泄又鹽城縣天妃海口前估建牖座查該處土性  
鬆浮難以建牖且該處若遇水大之年正可畱以宣泄  
內水前估牖座亦無庸議建

南河  
成案

重修揚州府志卷之十



